

新刻邵復孺集叙



海上馮先生子喬氏乃紹介其徒
汪生稷請余序邵復孺集又重
以邦憲朱先生德惠余蓋重遠
由先生旨云邵復孺者生勝國時
卒于洪武間其寸名籍甚以薦
起家訓導松江府學復以子註
誤成類上久之迺赦還卒年九十

三志蓋稱其通博敏贍矧於文辭
雖陰陽醫卜佛老書靡弗精核
今其集蓋得三種云而蛾術詞選
寔通宋詞三昧蛾術詩選蓋習勝
國語者野處集蓋雜著其言具
在覽者自探其玄珠茲不論著面
稷故蒙故業陳椽海邑間齒廼
孺也乃知海上有馮朱兩先生稱

文學茂異方正博聞之士遂執子
弟禮游馮先生門業已刻馮先生
集矣已又以馮先生旨刻邵先生
集顧其志可不謂加人一等哉語曰
富者好行其德又曰何知仁義已嚮
其利者為有德太史公非豔富厚
而薄貧賤也蓋傷貧者不得行其
志耳稷故附書之云之士哉而蠅驥

之論有味乎 稷蓋善行其德矣馮
先生彈鋏集業已傳海上而又使
馮孺藏山之言與馮先生共布揚
于天下稷寔先後之也後孺改書
法尤精篆隸其私印朱文有邵後
孺氏獨冠元人印章余蓋聞之王
幼朗云隆慶壬申秋八月望四明
沈明臣撰

蟻術詩選目錄

一卷

五言古風

秋懷

次韻王彥強監稅中秋不見月

又次九日韻

夏夜

夜

謁青龍文廟

和孫果育先生曉行池上韻

晚望五側體

齋居讀書傲晦菴先生體二首

早春次陸伯弘韻

陳元茂別去十年扁舟由山陰未有詩敘懷

次韻識喜二首 用上人萬玉軒

上武陽太守汪公國良 公新安人善文詞書翰

次宇文子貞別駕見貽韻

熏自聞上人禪房與陸伯弘暮坐偶成

全節真師鄭無用北遊

午日曹雲西翁厚 堂分韻玉字

秋懷擬古用黃伯成韻

黃仲珍會試回潘省中有詩留別沙德潤任

以南皆次韻持來求予著語

德潤以南又賦以適遠興再和為荅

贈經筵檢討太原陳敏夫

四月十七日偕張彥聖陳景魯李道原郭與

仁倪自明遊東岩蘭若分韻得夏字

彥聖次予夏字韻見貽乃亦次彥聖孟字韻

為荅

彦聖再用夏韻見示又和以漫

再用前韻與彦聖景曾論詩

景曾和孟夏二韻見貽漫用孟韻追道向者

泮林聚首出處之誼

僕年來塊處閭閻緬懷平昔託交粗多然意

氣相期者指不多屈目景曾詩中論及交

道就韻以懷數子隔絕

送傅子初先生之信州錄事

題傅伯玉來青軒

瑞閣雲開士雲深處

昨以青鏡褐帶寄郭志道先輩暇日貽一詩

以彰所既不帝引玉之慚次韻為荅

春晴次申屠仲權進士韻

申屠仲權與曹安雅翁為伍側詩以論進學

之道持來屬予和韻

送錢思漫之海鹽州教授

庠子歲暮飲曹園古梅下分韻得動字

有探得暗字者辭以韻拘閣筆主席者求予

補卷

曹孺章得岸字韵時方從軍求予擬作此亦
梅花之變風雅也

庠子歲暮風雪極寒入春兼旬餘凍不解殊
無春意青龍鎮文學林子敬相拉飲於鱸
堂約共擬催春之作

奉寄海鹽知州李正卿先生

贈星數術士陳秋巖

田家四時詞為九山學稼軒作

戊申仲冬兒穎為館人所連得罪繫獄朋遊

咸謂必老夫叫閤乃可昭雪由是衝寒扶
僊戒途凡越旬始抵石城道間記所見得

詩如左

澱湖

吳門

新安鎮

沙湖

義興

前馬鎮

溧陽

七里山

分界山

官塘

白府君廟

謝亭岡

青梗

金陵

壽靈源上人遊方

錢塘林子文以星術醫藥畫筆遊食江湖為

題行卷三首

幼女罄居澄江無後可托親往載之以歸庶
盡父子之道且得縣宰給以公文沿途無閑

譏之虞丙辰歲月廿一日出閔宿城南屠

家鎮逆旅中夜分枕上紀述示舟中同行
者

寄贈潁上縣令車則明會稽人小兒潁以罪

遷彼此公知其非鼻每加眄睐

贈寫神王鑑堂

寄南金絕句

夢中紀遊

題窠石絕句

金錯刀竹

二卷

五言長律

貞溪寒望

至正庚辰歲暮大雪同孫果育季野衛立禮

三先生分韻賦禁體得天字二十韻

太原秦景容肄業胄監以春秋經中大都鄉

魁有田在海隅至正壬午秋以叔稍至雲

間錄示近詩和韻漫其來意二十韻

送松江太守楊公正秩滿歸太原

悼趙士弘先生

宋宗室與先人同戊子生

錢南金往歲胥會嘉禾紫虛觀近聞館於澱

湖謝氏經年隔絕寄詩問訊二十韻

辛丑早春和顏仲逸新正試筆韻

客居感懷寄簡吳野舟四十韻

邾仲誼博士久別重見以詩叙聞依韻之二

十韻

追悼南金錢文學二十韻

乙卯立秋日客舍紀懷二十韻時長兒克穎

遷于潁水幼兒克淳没于濠梁故園凋落

殘生茫然不能無感於天時也

三卷

五言短律

陪孫果育先生遊干山次韻三首

題圓智寺

懷古太初書記

贈壽南麓上人

辛巳歲元日雨雪中飲曹雲西翁家次翁韻

錢南金往海鹽省母阻風歸遲用曹雲西翁

懷之

寒食次雲翁韻

還家舟中口號

荅宣伯聚孝廉見寄韻

丁亥臘月廿八日立春雲西翁有夜枕之作

詰朝置酒餞歲次韻以沒

橫泖客舍立秋日

橫泖雜言二首

客舍早春

寄南金

哭劉希孟先生

無錫東屯和朱梅山司丞韻二首

歲暮九山道中二首 橫溪夜思二首

挽衛立礼先生二首 泗涇雜詩四首

次韻荅馬本勁賢良見寄

俞山月用韻叙旧如韻荅之

早春用前韵述懷錄似馬俞二友

城樓雨夜
歲暮丁未

己酉春金陵旅舍和蔡居立程傳可二友韵

奉酬錢曲江見示韵
漫成二首

春日橫溪
哭王子章先生二首

挽謝德嘉同知二首

和襄陽縣宰沙德潤春遊韵

四卷

七言古風

昭君出塞圖

松居圖歌為會稽陳元茂賦

畫梅行會稽王元章惠以墨梅且題其上依

題酬之

玩古行武川唐允文蓄古圖画碑刻金玉彝

鼎及諸器物一室中名之曰玩古齋

桃源圖歌

答唐元度惠州堂詩陽羨茶

旅秋行次韵荅錢南金所寄知近寓秀水僧

寺

題許守中太和丹室

四皓圖歌

澹滄漁叟引為橋李蕭養素賦

張氏三味軒歌

穀江行三衢之江山常山二水自須溪金川

合流交錯如穀故名穀江潁上文學掾徐

景顏居於其間自號穀江漁隱云

讓東畊隱歌為烏溪黃成章賦近在潁庠分

教

五卷

七言排律

汪太守壽席同諸老分韻得蘭字

寄孤山和靖祠堂葉掌祠

曹安雅翁新營讓東莊

六卷

七言八句

冬栳

古梅

出遊別溪上親友

次韻王彥強客懷

江城暮春書事

次韻安雅翁亭屏榮悴松圖

寄錢素菴鍊師，雲間南城大族

寄錢南金孝廉

奉寄熏自聞上人併謝槐葉冷淘之款

挽會稽呂勉夫先生咸平宰相申國公九世

孫也

次韻曹雲西翁雨牕述懷時故里大水

題徐仲字高士代祀武當樵源中朝諸公詩

卷

孤山新建和靖先生祠

暮春次南金韻

題錢素菴鍊師封雲室

又可月亭

謝王伯靜惠葛巾

東永嘉裴日章進士次南金見寄韻

寒食雨中

奉王眉叟真人二首

簡唐漫齋徵士

簡吳大然高士

簡楷則中書記

簡黃魯德秀才

簡賢大愚座元

送張茂茂夫之南安縣尹其父嘗為翰林學士

早春錢南金用陳曾景韵紀會

次韻孫果育先生海鹽茶園道作中地名夾

山有金粟寺試茶院錢南金嘗約予遊未果

次孫果育先生現海韵

乙酉歲人日間雲端師過訪得唐漫齋錢南金

賢大愚各以倡和之詩見寄因就韵各答一章

以當新春問訊首答間雲

重東南金

頻年與陳景曾分教泮宮去秋竣事新春景

曾有詩見寄次韵為答

送吳景高廣文秩滿歸永嘉

次李太無鍊師見寄韵

次韵謝戴彥李先生
其父帥初先生與先大夫同登成淳辛未榜

遊吳中靈岩寺

歲暮寄南金時在菑涇積善寺

哭李仲輿隱君

題吹笙人詩卷

海濱何隱齋靜得軒

辛卯歲臘月大雪次曹安雅翁韻

海濱何氏攬秀樓

新春荅陸伯蒙見寄之韻

荅明心印上人約遊澱山寺

石湖圓覺中半雲法師和前韻見寄再韻荅

之

橫泖客舍二月陰雨兼旬無朋游詩酒之樂

花木禽鳥之觀不能不動貞溪之想賦以紀懷

次韻荅曹升範春日感懷

早春潘濟民遠過客舍以詩見示和韻為荅

紅梅

贈王同僉

次張漫亭雲溪菴晚望韻

挽錢素菴鍊師

和倪德中見寄韻

清明日陪王同僉遊馬跡山

次韻焦漢章胡景仁見貽之什

過千山荅孫果育先生見示之韵
寄馬敬常冠軍

辛丑七月一日寓橫溪觀迎引大士經會酷
暑鬱蒸廣庭露坐忽晚雲送雨神氣始蘇
唐元度有詩見示因口占以復

次荅海慧上人見寄韵

漫成用楊廉夫韵

寄鄉人魯道原贊府

懷澄江鄧毅夫帥叅

寄馬文璧徵士画得

蘭崑山慧明極上人

善詩文
隸古

荅馬敬常冠軍見寄韵

荅張孟膚見寄韵

孫長慶小山招隱

曹幼文遺安室

錢思浚寓泖濱見荷花憶西湖遊賞有詩述

感書以求和步韵復命

再和

七夕思浚韵

再和

癸卯元日與南金感旧而作

張孟膚過余故里有詩寫曹雲翁西園景物

不覺起余旧感向来文物荒蕪殆盡前輩

典刑邈不可見行樂之地間存遺跡長厚
之習則掃地矣不能已於言也

青龍任氏母貞節堂

楊廉夫受吳門賓館諸公餽餉為詩自述且
求友朋屬和次韻答之

甲辰元日次成元章韻

早春過曹雲西翁旧園

次錢思漫寒食懷錢塘韻

送勤無逸上人乱後歸西湖沒業

丁未元日和夏願貞韻

曲江居士特以險韻與倪雲林論方外事和
者閣筆余過適自外歸持來求正戲為下

一轉語

次元博弟初度自壽韻

和楊鉄崖曹園感懷韻

宗上人芝山小隱

俞子昭見寄舊懷新感謁然言意之表次韻

奉酬

用曹新民韻感曹雲西翁園中老梅
歲晚訪陳景曾于金澤凡間有新詩信筆和
韻以述會合

次韵吳野舟見寄

新春和徐澹然處士韵

俞遂良有遊九山之約借韵促之

奉酬夏時可文學早春之韻

澹然時可遂良三君子皆有春遊之興借韻

訂之

贈嘉定普福宮秦東海高士

送陸伯翔往金陵授業侯門

贈理即中上人禪學之外尤明丹法

九日橫溪客舍

賦同門友葉子澄春星堂

又賦子澄雪篷軒

甲寅至日在橫泖客舍憶存沒二子

和錢思復過真淨旭公房所作

秋日過余山

荅胡克溫惠藤枕

又鐵冠

感橘

黃岡賈彥德碧梧軒

賦鄞士梅隱

七卷

七言絕句

見梅懷錢南金

早春駕湖夜泊

晚晴二首

小鬢以墨海棠為名友人張子正為之画以

求題

七夕孫果育大席上有詩首句約坐客各續

卒章為賦如左

題演上人畫蘭

題危鍊師春溪小泛画

題黃一峰画扇

陪曹雲西翁携妓泛荷舟中次韵

明日曹安雅翁約席上諸公再放蓮塘席間

次韵

次韻荅衛立禮元旦之作

桃源畫卷

松竹卷子

雪山便面

春日
和錢南金韻

次答汪子翼進士嘗為采石山長三衢學正

同曹雲西翁泛舟過干山

賦孫果育丈干山小隱

即景

次張漫亭遣興四首

從軍過太湖上梅花正開與顧允中趙君式

登山縱步和韻三首

挑菜美人圖

和錢思復春日口號

己亥二月晦日寒食無錫東屯舟中漫成

客棧春日

西湖小景扇

香雲室

題曹元博壁間馬文璧小畫

題項鍊師山房倪元鎮小畫

題夏頤貞所藏王眉叟真人馬遠溪月堂卷

題扇寄鄒君顯

君顯答賦丹韻以寄

一峯道人畫九山雪霽

題墨竹

李雲山畫秋林晚步

梨花十二紅

夏士安家董元小寒林

辛亥中秋橫溪菴客牕對月口號

桃花五色子

橫溪晚步

懷野舟客

停簫士女圖

息齋李使君自號廣陵醉客其守吳興日郊

行見民家小湖石名蓮花峰玲瓏奇秀求

之弗獲乃画為圖且書其意以識不忘客

有持以求題者

杏花宮女

柳陰宮女

牡丹宮女

蒼苔宮女

秋懷故溪

元日試筆

上巳日泊舟崑山縣城北十里顧墓田家風

暄日麗野花亂開邂逅父老為設尊俎相

率縱步春興橫生乃為短述以紀所見

曹園看梅

貞溪初夏次南金韻

八卷

會合聯句

至正改元余寓虎林三閱月南金授業茶院

孟冬余歸而南金亦還溪上夜坐縱談念
不可無述以紀此會四十韻


編校遂生亭聯句 有序

舟中聯句

蟻術詩選目錄畢

蟻術詩選卷之一

元雲間邵復孺著



明新都汪 稷校

五言古風

秋懷

金風應商節
庭樹生秋聲
况沒疎雨過
莎鷄振前楹
客居在城市
朋從少合并
雖無山林賞
乃亦無俗情
芳時屢消歇
身世坐無成
廣庭散短策
逍遙塵慮清
陶然發孤詠
聊復遂平生

皎、青樓月流光照幽樹當時樓中人邂逅感相遇
娟、耀華年繁、美風度黽勉在同心誓言金石固
離居幾何時玄髮各已素豈無陽春心去、若朝露
芳馨苟不存臨風歎遲莫

依、漢南柳秋至多悲風搖落在一息坐此颯爽中
衰榮有天運物力詎能攻桓公豈不偉乃亦歎其窮
嗟哉山林子出處將無同

今日秋雨霽廣陌后土乾出戶欣所矚紅塵滄海寬
宥子此行樂朱顏撫雕鞍

次韻王彥強監稅中秋不見月

高樓有佳人長歎惜流景漫、夜何其耿愁莫省昔
為陽春花今媿明月影徘徊望雲端悠然素心冷

又次九日韻

佳節坐無緒行憩嘉樹陰秋花澹相對慰此遲暮心
悠哉美人遠輾轉相思深天風日夕起長歌良不禁

夏夜

紈扇寄晚興竹牀生夜涼大星在南極新月照東廊
稍隔葦泖路遠懷荷芰香夜深屢移枕清漏一何長

林端鶴尋巢屋角螢照席風生銀漢涼雲散玉露滴
坐久氣益蘇心靜神自適鄰鐘忽迤遞相與破幽寂

夜

月白霜滿地山家寒未眠人影在門外梅花遠牕前
村春自斷續戍柝相後先沈吟惜良夜那能逢芳年

謁青龍文廟

鎮市近東海人煙迷遠郊前朝有勝迹遺碣在荒茅
民識青龍艦樹傾黃鶴巢崇臺近僊路擬尋王可交
地有王可
交仙升臺

雪落暮潮上雲橫春樹迷刺船龍江口解榻鱸堂西
舍采重典禮采芹留品題風塵正旁午教養詎可稽

和孫果育先生曉行池上韻

逍遙碧梧井顛倒白苧裳荷淨雨初過水清心益涼
晨風却羽扇秋意滿藤牀了無塵中趣良以遂行藏

晚望五側體

出戶縱兩屐略約不可度興到意未適且復信晚步
野景頓慰目萬壑條已莫興盡始欲返解后有所遇
父老謂有役耒耜出遠路况乃積水涸岸脚稍復露

觸物即勝賞暫爾釋俗慮竚立望不極暝色亘綠樹

齋居讀書傲晦菴先生體二首

端居掩柴門四月忽已暮物色催年華綠陰滿高樹
雨除軒牕靜宴坐屏百慮清風激然至好鳥聲亦度
爰茲羣芳秀幽景欣所遇瀟灑契心賞澹焉忘世故
清溪一雨過沃野桑麻成屬茲長養節慨彼少壯情
庶類各有適微生湯無營窮居在田野里胡能事虛
名俛仰徇幽獨微喙散新声百年總役、且復遂吾
生

早春次陸伯弼韻

春生海岳菴冰消建安瓦山鍾隔遙林漁篋散寒野
遠客忘馳驅懷人賴陶寫書燈尚鄰雞塵陌已官馬

陳元茂別去十年扁舟由山陰未有詩敘

懷次韻識喜二首

向來秋懷詩絕響斯寡和憶君鼓朱絃對客汎白墮
歌長竹間醉興盡花下卧有時舞婆娑褰衣綠陰破
契闊日以邁交道日以虧緬懷載雪舟放情換我鴛池
山川固無恙觴詠長若茲流水日東逝何以寓相思

用上人萬玉軒

琅玕逸禪室坐卧空翠間
誤疑篔簹谷携入藍田山
戒衣蒼雪乱談塵清風還
何當往擊節亦以香巖関

上武陽太守汪公國良公新安人善文詞

書翰

我，紫陽山高廣出奇觀
千年喬木存蒼翠拂雲漢
名家多世臣冠蓋恒煥爛
道統自考亭事業擅藩翰
朱絃清廟具一倡起三歎
謝庭固多才王羣足渙汗
能書事魏晉筆陳妙莫傳
清絕籠我鳥經窈窕臨河篇

神交千載上八瀟日以金
錐沙得利器墨沼龍蛇騫
向未鮮與趙已擬摩其肩
記名金石間良以永斯年
春風滿庭戶三槐日芴芳
雨露足生意清陰蔽高堂
彼美蘭蕙花婉戀有國香
良時拜家慶絲衣列成行
孔庭富詩礼竇氏多義方
懿哉德星聚霄漢生光芒

次宇文子貞別駕見貽韻

冷々苔雪溪清泚世莫比
中有泗濱磬籍々韻人耳
采之貢廊廟秀斧鉤天微
願言正始音行贊元化理
鯤溟多化鵬雞羣有孤鶴
偶茲樊籠困所志在寥廓

豈無青冥姿迢遞若溝壑知音苟不存清唳何由作
熏自聞上人禪房與陸伯弘暮坐偶成

郊居絕勝賞性僻如自然時俗非所趨方外若有緣
况茲蘭若幽坐榻臨泉清飄然縱心目問法得老禪
丈室頗蕭散妙語開玄玄西牕綠陰靜林麓含雲烟
逍遙接清景塵俗詎能牽

金全真師鄭無用北遊

往筭柱下史翩跹跨青牛示彼魯妙門契此玄學流
後來羣仙籍往在北州至今燕趙間斯道良可求
鄭師宦門子氣寔業乃修行當得所遇逝將與之遊
替首謝埃壒長嘯崑崙丘

午日曹雲西翁厚堂分韻玉字

仲夏暑氣微嘉樹藹深綠詠歸衡門下逍遙清溪曲
屬茲午日至悠然對醞醑親戚恒舊歡荆楚尚遺俗
飲罷仍太息歲月傷局促世情苟驅人毋使隨轉燭
願言各自愛重之若金玉

秋懷擬古用黃伯成韻

悠悠涉塵世冉冉傷流光來者日紛靡逝者日微茫

已秋不可春一夕百草黃羣動悉偃蹇孤懷良慨慷
幽期在空谷於是觀翱翔相看且慰意歡樂未渠央

黃仲珍會試回藩省中有詩留別沙德潤
任以南皆次韻持來求予著語

美人善窈窕長年抱幽素迢迢遡飛鳶昵昵盟鷺
塞之修無裏言良人昧情度歡娛在一息胡然藐雲路
膏雨下灌木春雨濯文荇美人遵江阿中心忽秋冷
昔期朝雲臺今若中流艇終焉蓬蒿姿慎勿歎宵永
德潤以南又賦以適遠興再和為荅

清景日以邁玄髮日已素遲迴置鴻鵠曠蕩狎鷗鷺
何慙魯淳朴頗適晉風度長歌招隱辭延佇淮南路
離離原上蘭泛泛漢中荇春陽豈所私夕露寧獨冷
誰其念遠人采之寄孤艇曷若遂其息芳馨與時永

贈經筵檢討太原陳敏夫

并州古名郡盤踞山河長禮樂盛姬晉民風本陶唐
清泚多名家軒蓋相低昂有美元龍豪喬木久芬芳
中宵德星聚文采遙相望

盛朝尚文治機暇事探討春明御延閣六籍互稽攷

峩、貂蟬列經拜坐論道之子初明經盛年致身早
晝永掄對休揮灑更文藻

四月十七日偕張產聖陳景曾李道原郭

與仁倪自明遊東岩蘭若分韻得夏字
客居寡歡樂奄忽歲云夏會合無前期偶爾遂閒暇
追隨二三子遊憩東岩下杖藜足幽討奚必整夙駕
野色隔市槁塵氛絕僧舍屬茲長養節灌木色相射
清賞欣所遇置酒此軒榭談玄岸鳥巾林鳥亦驚詫
人情脫城郭矚眼仍自訝我生頗宏放久矣觀物化

世道苟難趨端合返耕稼逍遙菽桑廬良以竟晨夜
彥聖次予夏字韻見貽乃亦次彥聖孟字

韻為答

浮生羨楚狂適意類優孟豈惟事文華矧復慎言行
暇日得朋從游心在觴咏睠茲蘭若幽愛爾林麓淨
登山竹有題俯檻水可鏡起坐情共真嘯語氣益勁
追尋往事改帳望前修負論文浩無算行酒肅有令
居然豁塵襟恍若蘇久病了無物我情坐見夙昔性
杯盤既狼籍步屐互斜正當遊當及時山中筍猶盛

彥聖再用夏韻見示又和以復

我家住清溪嘉木藹朱夏耕鑿頗自適藏修有餘暇
中有常氏傳素出孔壁下鄰好皆相歡興到輒命駕
從容歲時禮往來東西舍鬢髦總好書冠首或能射
暄風登春臺涼月嘯秋射衣裳時使然登望俗所詫
縱匪桃源深亦有漁舟訝樂矣忘吾夏逝將與之化
維時已種秫卒歲競登稼期君草堂遊剪燭巴山夜
再用前韻與彥聖景曾論詩
騷壇有清音翕若奏韶夏宮商相激昂合止適休暇

一倡每三歎萬籟風斯下夜深鳳來儀屢飭緱嶺駕
飄風忽大和桑濮俱退舍初疑矍相圃妙中見奇射
再疑廣寒宮羽衣滿臺榭品題得賞音終然匪虛詫
所貴正始音不受淫哇訝采之貢清廟自足驗風化
陽春與白雪生意在禾稼行當集大成鏗鏘振良夜

景曾和孟夏二韻見始復用孟韻追道向
者泮林聚首止處之誼

陳子冬日溫可愛若趙孟不競聲利場從容抱鶴行
我昔遊泮林屢歌伐木咏識君稠人中心若止水淨

揆余素暴白相照兩明鏡君如雞處囊不屑露鋒勁
我猶網尚錦韜晦極深負折膏鄉里兒終媿彭澤令
一朝共引退似失膏肓病臨川濯我道遙遂天性重
逢無厚顏自謂出處正願言若松柏保此歲寒盛

僕年來塊處閭閻緬懷平昔託交粗多然
意氣相期者指不多屈因景曾詩中論
及交道就韻以懷數子隔絕

走昔重交際流汗若炎夏結納天下士寢食若不暇
蜀王藐餘子卧之百尺下王彥強成都人晉秦早穿楊近命

武昌駕秦景容太原人傳子經濟才多士避三舍傳子初鄱陽人有

美彭城宣雄辯氣如射宣伯裝徐州人錢即早明經翰墨照

臺榭錢南金華亭人落東甌陳特達衆所詫陳元禮永嘉人雙湖

王文學識晚互相訝王昌言樵李人平生此數子因之氣質

化况茲得孟公粮莠見良稼閣絕殊有懷起舞雞鳴
夜

送傅子初先生之信州錄事

去年十月交冬淺寒輒返客居江城館燈火在風露
君從錢塘來舍舟縱游步一見心為開問勞出情素

番陽與雲間相望千里路會合匪偶然況是夙所慕
江左右古世家粲々美風度射策衣繡歸春生五陵
樹文章天機錦到手眩昏瞽坐談極疇曩歡然獲知
遇自冬更徂春不間朝夕晤君於稠人中走獨心所
寓傳舍稍密邈泥濘亦枉顧開卷析疑義沛然決東
注賞音風雅間神會見天趣平生耿々懷不為流俗
具因君頗呈豁欣快未易喻誓將與此老結納視親
故款洽豈有極忽復報瓜戍錄曹雖民職未足展抱
負行者崇令德政化藹先務分遠坐契濶引領不可
遯中年別親友作惡若深忤梅風彭蠡寬歸鷁慎速
渡後約仍綢繆中情尚能賦芳洲寒誰留懷哉美人
暮

題傅伯玉來青軒

走昔重慶下總角拜而翁聞之祖父言此老臭味同
與我為世契家在兩山中聞山在何處僻近滄海東
先生隱其下邃若盤之宮闡開軒納蒼翠霞螺鬱芴
芴拄笏以致之嵐氣浮雲濛雲牕筆硯濕雨檻尊壘
空春花与秋草四時自青紅夏暑熟桃李歲寒斂未

種門深俗駕返迴有前賢風茲來三十載念之感吾
衷先生雖隔世有子傳箕弓家擅一經在未覺吾道
窮況我与伯玉少小相磨礪及茲坐遲暮鬢髮各已
蓬手澤敬所存矧敢弛前功青山不改色軒檻猶玲
瓏排闥匪寓言生意那有終何以志不朽立言在諸
公顧惟通家好詎能忘效忠泥塗適偃蹇物理還窮
通善保堂構心禮法慎爾躬方來當有振鑒此以自

崇

瑞開雲開士雲溪處

高人悟般若斂步問棲息冥然有念靜隨處可面壁
况茲故山深雲氣窈無極雖在三界中若与塵世隔
向來出山時千里縱杖錫西上醫王城北峯文殊域
雄峯快南遊玉几眇東歷周流歲年邁冥然屏心迹
歸來白雲在此見非舊識出山固無心在山那有役
雲我今兩忘有相同木石山河眼底華無復著五色
是雲本不深聊寓幻化質今茲大自在所向罔不適
此中有妙趣款語難自析我生墮世網性本慣幽寂
終當從之游瀟灑共朝夕復此清淨根直指不容力

昨以青鏡褐帶寄鄙志道先輩暇日貽二
詩以彰所貶不啻引玉之慚次韻為答

客從渠國來遺我火齊銅蛟螭結其背文藻交青紅
一展双眼明秋江送飛鴻俗狀媿不稱什襲寶匣中
念我平生親潔白与之同持贈見題品坐使光價隆
重君有僂骨長年駐顏容豈知晦迹士玄鬢成飛蓬
縞帶不緣辟出自鮫人杼闇蔽光華織衒紋縷
服用必老成褒博邁前古乘之良有餘踐履有門戶
一御君子身居然稱章甫步趨重禮貌周折中規矩

荷君不鄙夷約束還見許立朝對賓客老矣更延佇

春晴次申屠仲權進士韻

澤國猷久雨暮春生晝陰羣芳悉委翳何以忘憂心
况迺泥潦阻朋侶少盍簪晨興矚新霽拍春流深
散策茅簷下對酒還自斟許身沮溺徒逍遙浣塵襟
春山在屋外照映綠水灣暄風斂宿靄秀色若可攀
恍疑桃源路窮窵非人間欣然寓游目及時為開顏
花香渺莫即引領徒懸緬思繁華節光風汎山川
娟娟渚花媚恰恰谷鳥遷郊人戒農務芳草催詩篇

于時正興矚擊壤聲相傳沉憂感物色泰道何多愆
人事蓋有忤天運豈所偏安得伶倫竹感召和氣正
大鈞忽駘蕩生息斯可全願言陶化景調燭在時賢
奉寄海鹽知州李正卿先生

往歲事行役路入錫山道公務有程限不暇致幽討
期會却大夫迺得斯文老班荆草莽間一見顏色好
船頭接杯觴彼此露懷抱泚筆賦黃花屬意出天造
暇日再升堂披豁見文藻學問仰前列結納悔不早
所惜吏事稽告別殊草：歲晏歸故林藜藿強自保

雲霄絕躋攀世路迤如掃文星忽移次屢起視蒼昊
雖乏彈冠資庶得慰枯槁感激良有懷心焉怒如擣
海城遠邊烽觀瀾近三島惠然澤斯民終以養吾浩
會當挈扁舟濶絕重傾倒

贈星數術士陳秋巖

天上種白榆豈使塵世知人心極天理乃有步天詩
好風或好雨未易以意推晦明与躔次側候無愆期
人身列三才照耀匪所私曆象示禍福鑿：信不欺
陳生得玄祕授有心師指掌披周羅隱顯見豪釐我

生五行內貴賤詎可移因子許蔗境遲暮不復疑
人生小造化中有天地理形氣苟相遭總合大易旨
籌策運乘除變化亡起止千古存幾微乃得袁与李
擊壤集大成煥然具衆美經世浩莫量論命同一軌
微言明晦吝勇決至生死擾六合中萬類莫逃此
相逢叩浮生妙語瑩如水往哉抱韋編冥心究終始

田家四時詞為九山學稼軒作

大鈞播羣品生意滿寥廓晨興矚南畝鳴鳩在林薄
婉孌起遐思良時戒東作燒痕日以回野水日以落

荷鋤豈辭勞動動有餘樂臨流歌風心跡欣所託

迨谷水陽山勢西南翔平野萬頃間林巒互低昂

屬茲長養節綠陰滿虛堂耘耨既休息藹然苗稼香

端居無物役朋來時命觴餘力事編簡先民遠相望

廩秋殞霜露歲功行及時刈穫遍原野萬寶紛陸離

童穉日夕喧欣然不知疲聖門貴道德於焉鄙樊遲

無逸示艱難拳戒先知微生已忘世舍此將安之

鬱嘉樹林宛溪水曲幽人此躬畊良田遠茅屋

歲晏農務休我廩羨種稷蜡酒歡里閭相与卜景福

變遷吾弗虞治忽吾亦足永懷陶公廬無忝鄭子谷

戊申仲冬兒穎為館人所連得罪繫獄明

游咸謂必老夫叫閹乃可昭雪由是衝
寒扶僮戒途凡越旬始抵石城道間記
所見得詩如左

澱湖

夜宿郭家舍早行陳墓村霧歛湖蕩白遠水浮晴曛
兵餘聚落廢草木蕩不存傷橋得野店剗船具晨餐
向來經行處恍惚不可論川原莽無際黯然消我魂

豈知衰暮景值此天地昏

吳門

日夕望吳門荒煙翳寒草泊舟問何處云是葑門道
三年百戰餘人烟迹如掃舉目山河異恍若天地老
殘民餘幾何流離孰能保仁者不可追誰其念枯槁
嗟哉乘除理實匪人力造茫然夢寐間惆悵對蒼昊

新安鎮

白首念舊遊瞬息六七載興衰反掌間宿昔魂夢在
向來太原公襟度絕爽塏大開青油幕籌策善掄采

談笑合經綸事業有期待入幕匪都超羅致慙郭隗
重来弔遺跡驚心變桑海故旧散如雲我獨毛髮改
城門嗚咽水似恨有遺鎧天連不可量鑄錯詎能悔

沙湖

凌晨出沙湖杲杲寒日赤望路指西南趁風挂帆席
行數里間舟底盡沙磧歲暮寒水落過者總煩劇
篙師力支撐進寸乃退尺叫呼問鄰舟始得指所適
中流植荏葦表以深水迹由茲遂無阻四望始充斥
迢遞達岸傍回首日已夕嗟予匪徒行衰謝牽物役

人生苦多虞仰羨投林翮

義興

朔風中夜起白晝生晦冥舟行向亭午問路循郊坰
日色稍寧漏歷歷崗巒青地出陽羨西亂後皆凋零
良田久荒穢聚落如晨星乃得張生廬回塘水冷
少年頗解事肅客開林扃燒薪具湯沐置酒陳壘餅
具言兵火事慘惻難為聽余亦感其意強飲忘厭醒
明登戒行李指點仍丁寧

前馬鎮

水行數百里今日始登陸老來筋力微徒步窘局縮
暮抵前馬鎮人煙稍蕃簇琳宮半摧頽猶是前程朝
屋陰，寥陽殿仰見貌像肅吁嗟禮樂壞銷毀日相
逐鬼神依人靈至此亦傾覆出門投逆旅展席成地
宿江東形勢高土室頗溫燠牆隈卧兩牛對月寒紙
牘因之傷我懷中宵淚盈掬

漂陽

戎車屬昧旦霜露猶淒淒，折旋荒墟間石逕迷東西
第宅燒焚盡頽垣互高低北風振林箬寒鳥向我啼

逶迤出官道所見愈慘悽南來多遷客一一援子妻
嚴冬犯冰雪白日俱沙泥歷險復凍餒矧敢勸攀躋
皇天有恒運何以慰黔黎擾々六合內誰能遂幽
棲

七里山

我生本無營乘老值逆景山水性所樂邂逅心目逞
朝來經行處林麓頗深靜松篁雜泉石豈不慰馳騁
一見暫解顏愁慮終莫屏那能似平昔到眼輒記省
始知乾坤內萬事如過影患難偶相遭定力未深領

曷若忘吾憂陶然造真境

分界山

亂後喬木盡新植纜拱把惟時揉落餘山色亦瀟灑
至茲頗險峻宛轉曲崖下路出分界山神思欲傾瀉
僅有古廟存斷碑仆荒野緬思承千年處、雞豚社
衣冠不復進何由斷風雅我雖一腐儒自謂賞音者
胡然迫物累對此失陶寫

官塘

曉行犯霜露驅車上崇岡四顧人煙稀日色浮蒼涼

山家竈無突炊烟滿衣裳出門復風沙老眼終昧茫
父老為我言時事殊可傷此邦最是邑右族伴金張
粵從亂離始十室九喪亡強壯殞鋒鏑老弱委路傍
形骸既改觀山川遂無光壘、偷生者榆景何由長
語罷長揖去喟然面穹蒼

白府君廟

道經溧水縣古廟當城陰浮雲映霄漢鬱、宮殿深
脩門聳飛閣穹碑列森、前朝屢廢頌落、正始音
國家崇祀典首以民為心陵谷有遷代造化無古今

信知鬼神德福善終禍淫馨香苟可薦黍稷非所
歆

謝亭岡

此地非深山所歷無絕險高下百里間崗巒互重掩
民居稍聯屬兵餘苦勤儉山田固微收况復經歲歉
停車謝亭岡暮色昏冉々風寒人不行遙見燈火颯
恍然遊子懷偃蹇忘拘檢

青梗

夜寒宿秣陵曉霽度青梗窮臨總溝壑不啻瞰管

井俯視層冰橫照目光炯々輿人亦良苦交馳畏肩
竝霧昏迷轍迹有力不敢騁我時舍車行屐滑不憚
整殷憂莫暫置懷抱常耿耿山川不我厭衰晚負清
景何當問蒙莊寸心若灰冷

金陵

亭午寒霧收日色漸昭晰此行既迨遍身世任曲折
四顧遠近間羣峰儼環列峩々石頭城形勝天地設
龍虎相踞盤王氣故不輟鍾山一卷石迴與他阜別
山川無情物往々隨變滅粵從典午來禹跡屢割裂

豈不祈永延中自仁義缺是知王伯資初不恃險絕
誰其罪真宰惆悵還結舌白首匪壯遊弔古粗可悅
唐虞彼何時長歎肝肺熱

壽靈源上人遊方

我生頗宏放素有山水癖胡為墮世網所願久未適
矧當風塵際此及頭盡白豈如浮屠人蕭散無物役
名山勝水間往々快遊歷青鞵萬里道不汗緇塵
迹相逢明眼士心地渙冰釋壽公山林秀豈憚勤
勞力登輞始自茲端可窮絕域設心一以廣所向竟

終極了此最上機三粵在瞬息歸來烟水間借我半
禪席

錢塘林子文以星術醫藥畫筆遊食江湖

為題行卷三首

璿璣耿夜光所示各有象七政一以齊玄理益深廣
萬類靈者人命運合天壤儒先妙推測經緯在指掌
後世得其文禍福益宣朗

我聞賣藥翁夙尚韓相伯休避名宇宙內殆亦僊者
流後來不乏人往々繼前脩濟世在陰德豈為生事

謀刀圭忽通神遂与元氣游

古來朝野間靡不重豪素山水擅甲科夙昔著名譽
湯沸積雪峯險絕懸崖樹之子法李郭惜墨見天趣
幸寫桃源圖艱危得歸路

身女贅居澄江無後可託親往載之以歸
庶盡父子之道且得縣宰給以公文治

途無閑譏之虞丙辰歲二月廿一日出
關宿城南屠家鎮逆旅中夜分枕上紀
述示舟中同行者

暮出澄江城夜宿屠鎮市身老憚驅馳情真易嗔喜
生平兒女債累及衰暮齒婚嫁雖粗償生死那可擬
逝者不復追存者詎能已經營盡人事得失任

天理此行未為迂所願聊復爾同舟得佳侶聯榻忘
旅卸去住釋殷憂周旋賴知己鷄鳴客夢迴犬吠征
人起旋聞啓重扉又欲戒行李閑譏良可虞公檄
信足恃吾生既若浮老境復何止沉冥但結舌感激
還撫髀聞道固茫然忘機亦久矣何當絕紛埃放情
好山水

謀刀圭忽通神遂与元氣游
古來朝野間靡不重豪素山水擅甲科夙昔著名譽
湯沸積雪峯險絕懸崖樹之子法李郭惜墨見天趣
幸寫桃源圖艱危得歸路

身女贅居澄江無後可託親往載之以歸
庶盡父子之道且得縣宰給以公文治

途無閑譏之虞丙辰歲二月廿一日出
關宿城南屠家鎮逆旅中夜分枕上紀
述示舟中同行者

暮出澄江城夜宿屠鎮市身老憚驅馳情真易嗔喜
生平兒女債累及衰暮齒婚嫁雖粗償生死那可擬
逝者不復追存者詎能已經營盡人事得失任

天理此行未為迂所願聊復爾同舟得佳侶聯榻忘
旅卸去住釋殷憂周旋賴知己鷄鳴客夢迴犬吠征
人起旋聞啓重扉又欲戒行李閑譏良可虞公檄
信足恃吾生既若浮老境復何止沉冥但結舌感激
還撫髀聞道固茫然忘機亦久矣何當絕紛埃放情
好山水

寄贈潁上縣令車則明會稽人小兒願潁

以罪遷彼此公知其非辜每加矜昧

東瞻會稽山萬古神禹跡欽嶇控大荒偃蹇鎮南極
蓬瀛屢清淺造化恒鬱積人物秀所鍾不啻崑產璧
衰微或相尋生毓詎肯息之子經世資製錦暫淹抑
光岳含靈氣終古有通塞

孔門有遺訓政事列四科單父坐鳴琴武城起絃
歌至今百里間聖化恒漸摩汝陰古名郡先哲屢經
過巢由乘隱跡歐蘇鼓文波起廢喪亂後豈不煩搗

珂
訶頗聞德化感道碑藹春和願言邁前列脩途振鳴

微宗事儒素家在嚴灘上衣冠久淪落喬木亦凋喪
平生江海心既老尚宏放應門賴弱子粗習菽水養
一朝坐斥逐夢隔千嶂無家復貧病曷異楚囚狀傍
徨舐犢情悽惻倚閭望明公憫斯文青眼顧流浪有
德彌二天沒齒詎可忘

贈寫神王鑑堂

江心百鍊銅照物無遁形人於天地間方寸尤神靈

不知子都姣有目若晦冥之子頗絕特炯々霍瞳
青豪端化工在妍醜任使令凌烟重一代傳岩貴千
齡自古賢達士德義斯可銘慎勿薄固陋更叅相心
經

寄南金絕句

朝望茜溪雲暮望茜溪水倚窗對晚色懷人不能已

夢中紀遊

春澤下楚雨暮江開野花巖灘釣魚客却上蘆仙槎

題窠石絕句

雲際天籟收石底元氣蟄幽人憺忘歸日暮山鬼泣

金錯刀竹

君子在澗谷歲晏服豹韜擬將鐵石心鑄作金錯刀

蟻術詩選卷之二

元雲間邵復孺著

明新都汪稷校

五言長律

貞溪寒望

物色存荒域人煙散遠郊
閑門當野際望眼出林梢
水落三秋後天寒十月交
草蕪殘畎畝塵沒舊衡茅
日送牛羊下霜催橘柚包
溪渾魚漏網樹折鳥傾巢
風俗從時改丘園未易拋
生涯慙負鄙歲事乏充

庖獨學^唯踈懶羣居適混教世途多反手友道絕投膠
無復懷招隱猶堪賦解嘲興來從目斷一鴈下塘
坳

至正庚辰歲暮大雪同孫果育李野衛
立禮三先生分韻賦禁體得天字二
十韻

肅殺成冬令禎祥兆臘前何人能剪水此夕遂彌天
始訝同雲合俄看大地連皇恩敷宇宙春意滿山
川氣應豐年早光還太極先灑牕初漸、入幕已

翩、部婁因成積坳堂久未填隨風元辟易帶雨却
俄延萬室均霑瑞千林競奪鮮獵圍明燧火僧舍起
茶烟高卧甘茆屋深耕望秫田映書如有約授簡豈
無緣金帳家聲旧朱樓樂事傳酣遊曾驟裏低唱總
婣娟尚覺寒鑪好猶宜破帽偏雞羣空出色驢背莫
爭妍巖瀨仍高節程門憶少年陶情憑酒力禁辭詫
詩篇豈意三陽迫重驚六出全因聽郢中曲欲覓剡
溪船

太原秦景容肄業胄監以春秋經中大都

鄉魁有田在海隅至正壬午秋以收稻

至雲間錄示近詩和韻復其來意二十

韻

世宦推三晉聲華自五陵禮隆鄉舉首望重辟雍朋
白壁光堪摘青霄世所矜山陽聯胤胄淮海接雲仍
鼓篋曾無忝穿牙楊豈不勝十年加淬礪萬里會蹇騰
俊比峯尖隼清熈棘上蠅依：春月柳烟、玉壺冰
家學多軒冕師模足準繩吟空謝池草業費剡溪藤
壯志恢前席雄才薄販繒詞源長倒峽賦壘况高墜

道本閑淪表文應有廢興遠遊方澤國清話及鄰
僧鄉味鱸曾膾家書鴈可憑海潮鳴客枕江雨
入書燈繼廩饒杭稌羞筮到芡菱雅懷青嶂壘
白雲層傾蓋真如故盟爐獨未能春秋須附驥早晚
看搏鵬

送松江太守楊公正秩滿歸太原

裂土邦千里孤城海一陬廟堂嚴遴選牧守慎徵
求有美楊夫子真如漢列侯雄才方趙壁間氣出
并州阜蓋聲華重銅章禮數優民心懷善教政典

邁前脩突兀黃堂改森嚴畫戟稠阻飢憐接踵移粟
慰窮愁疏鑿江河道經營畎畝秋泮宮仍頌魯多士
率歸周一諾疏留獄諸公服遠謀笑談均賦役聲價
滿林立強梗俱潛跡高明獨運籌拳、崇祀典翼、
介神休報最还前列掄才孰与儔去思登史冊来暮
起歌謳雲路追黃鵠春風送紫駟棠陰長藹、柳色
自悠、波暖江淹賦天空庾亮樓未能趨幕府只想
逐螿頭朝野連吳楚恢台直斗牛何因能借寇高吳
款依劉

悼趙士弘先生宋室宗良字行与先人同
戊子生

大族連天水餘芳出浚儀英雄隨氣運浩蕩濟艱危
為庶清門貴傳家旧俗垂人猶羨鍾鼎業不廢弓
箕文物終難泯才華竟莫施通家推執友喬木共
殘枝先子交承蚤同庚意氣如由来諳契旧比歲
數追隨倡和形詩筆殷勤接酒卮客樓頻對榻親舍
屢彈棋近作溪頭别方為歲晏期訃来疑入夢心折
恨難追殷礼終黄土商歌起總惟斯文情所感况乃
哭吾私

錢南金往歲胥會嘉禾紫虛觀近聞館

於澱湖謝氏經年隔絕寄詩問訊二十

韻

世多路閼隔音書絕往還故人長在望良會眇難攀
伊昔來茸泖平居共里闌藺編爭取益詩酒最相關
花徑時、埽林荆日、班比年恒異處吾道厲多艱
鷗鳥風波急醞鷄宇宙慳洪溪重邂逅玄鬢各嫵爛
分手仙人宅傾心刺史灣璫璵寧自韞蕭艾孰能刪
忽報遷翹館還堪慰旅顏新詩應夢艸短屐快登山

孤陋嗟無似驅馳老漸頑塵居惟習懶浪跡暫投閒
湯歆為鷄口何能見豹斑心期忘蹭蹬歲序任循環
故里春猶在秋隄月彎平湖澄水鏡孤阜聳嵒影
目斷蘼蕪際神勞夢寐間少須携白墮相與岸青
綸

辛丑早春和顏仲逸新正試筆韻

江湖逢獻歲塵土各忘年天際凝煙沒林梢霽雪
懸山川祇尚爾風物頓蕭然鳥語春聲動魚浮水氣
還豐凶治俗識治忽驗巫筭對酒亡新頌簪花失旧

妍干戈紛未已燈火寐無傳閱世驚身老題詩讓爾
先

客居感懷寄簡吳野舟四十韻

喪亂嗟吾老漂流惜子賢鄉閭荒政裏萍梗畏途邊
撫事從誰論偷生祇自憐泥塗長汨沒甲子屢推遷
未覺心灰冷何堪室罄懸泰山那畏虎蜀道但聞鶻
蕩折彌千里征徭徧一塵故園迷草莽喬木混風煙
寶劍深埋匣瑤琴久絕絃兒童荒問季故旧失周旋
生理儒冠誤才情世累牽志乖綿上隱業廢汶陽田

蓬島知何地桃源別有天少年遠宦達晚景負神仙
著屐慚靈運登樓感仲宣意行花漠漠悵望草芊芊
物色何曾歇人情實自煎愁添新白髮負憶旧青壇
結舌防滄俗潛形遠逆愆行藏甘屏迹塗抹敢求妍
倦歎英華歛窮惟氣節堅不煩詹尹卜雅愛子雲玄
夙昔知予者于今獨爾焉家声昭代重姻好德門聯
和璧傷淪沒韋絰肯棄捐重逢驚漢落交慰憫顛連
江海孤舟險風霜短褐便襟懷還尚爾身世總茫然
稍訝頭顱改仍欣禮貌全賞音殊落々屈指特拳拳

豈望唐虞際猶攀魏晉前
隱淪須隴畝哀謝合林泉
黃卷希聞道丹砂覲引年
誅茆求杜曲種菊訪斜川
春雨漁蓑唱秋風鶴帳眠
酒杯從放浪詩卷漫流傳
小佇乾坤豁無憂雨露偏
浮生多曠達此意豈遷延
投我寧無託相親定有緣
好焚經世策同貯買山錢
邗仲誼博士久別重見以詩敘聞依韻荅

之二十韻

客舍窮無事柴扉懶不扃
鄉田荒稼穡野饌雜參苓
喪亂身空老浮沉夢未醒
功名嗟曉露故旧惻晨星

世道紛叢棘流光逐建瓴
忘形從槁木託跡任浮萍
哀、欣投筆窠、願授經堪輿
更代謝動植總凋零
幸免題鷓鴣何堪賦鵲鷓
暖風仍甕牖涼月尚虛櫺
適與紋楸局開懷瓦缶醞
風埃便短褐眈眈絕
侯鯖細帙繁新蠹練囊冷
旧螢故人頭盡白重見
眼終青媿我淹顏巷傷君
憶孔庭久懷投臭味何啻
挹芳馨思統盟鷗渚羈栖
唳鶴汀雲霄迷北海壺嶠
隔南溟蹇劣顏增甲衰頽
目眩丁幾時同辟地萬里
快揚舲

追悼南金錢文學二十韻

弱冠論交道斯文獨賞音
環生世族冠帶表儒林
學海窮探討詞源極訪尋
漸磨期遠業爾汝得同襟
文采珊瑚樹聲華綠綺琴
幽蘭湘浦韻喬木謝庭陰
才美時無遇情真世所欽
精神元不負道骨竟難任
嵇阮風流遠輿犁意氣深
半生聯里閨卒歲盍朋簪
夜雨巴山話陽春卸上吟
對碁忘寢息沽酒喚登臨
漂泊綠生事緘題出素忱
風情多契濶鄉井共浮沉
末路傷存沒危途異古今
空梁迷落月宿草曠遙岑

後苑遭時變殘生迫歲侵
丹心長耿耿霜鬢益
駸、草記王孫點梅存處士心
空懷掛寶劍那復
鑄黃金

乙卯立秋日客舍紀懷二十韻時長兒克
穎遷于潁水幼兒克淳沒于豪梁故
園凋落殘生茫然不能無感於天時
也

棲遲頻閱歲疎懶又經秋
身老那禁病時危未解憂
客居甘屏迹儒術悔無謀
撫事浮雲變驚心大火流

家山如隔世隣里盡荒丘杜曲傷遺族咸陽惜壯遊
兵塵餘瓦礫烟夢亂汀洲南郭遠憑几西風倦倚樓
幾年春浪濶三泖暮雲稠世道何多梗吾生信若浮
悽迷忘夢鹿浩蕩失盟鷗鐵硯功無補丹砂志未酬
偷生情惘淋後計悠楚室囚仍繫殺陵骨未收
音書惟墮淚伏臘轉添愁霜露埋歸轍關河阻
去舟孔懷陳俎豆雅志託箕裘晦吝亡先兆行
藏豈預筭可疎狂猶有興衰謝復何求宇宙還清氣
樵漁送白頭

蟻術詩選卷之三

元雲間邵復孺著
明新都汪稷校

五言短律

陪孫果育旣生遊干山次韻三首

題圓智寺

古寺藏雲表幽花遠路傍溪山如有約心跡總相忘
翠壁題詩蹟青籃采藥香野人應未識白髮旧潘郎

懷古太初書記

此老誰復記近來何處尋
勤勞非左計正始有餘音
月冷虛白室秋高空翠林
遺蹤不可訪回首碧雲深
虛白空翠
皆其室名

贈壽南麓上人

暮下山房榻晨炊石澗泉
聽鍾清夜坐移枕白雲眠
南麓曾題竹東林未種蓮
何當結菴屋投老學逃禪

辛巳歲元日雨雪中飲曹西翁家次翁

韻

望眼鯤鵬運驚心犬馬年
東皇開萬象南雪暗中天

歲事驅馳裏村居寂寞邊
拊花易為醉夜久不成眠
錢南金往海鹽省母阻風歸遲用曹雲西

韻依之

村纜曉未解溪風晚自和
君行殊未久花落已無多
夜饌魚如玉春庭雀可羅
遲去魯日遊子意如何

寒食次雲翁韻

春信催玄鳥客愁聞杜鵑
一却寒食雨三月杏花天
物色知誰賞風光亦可憐
西湖長入夢人在采香船

還家舟中口號

人語荒村晚船行逆水風平燕鷗外綠落日鴈邊紅
奔走生涯拙歡娛往事空故園看漸近喬中有無中

荅宣伯賢孝廉見寄韻

高致嵇中散能書褚遂良家聲惟學禮經術更尊王
湖海多清議丘園閱耿光驂騑終闊步未肯漫騰驤
丁亥臘月廿八日立春雲西翁有夜枕之

作詰朝置酒餞歲次韻以復

蜡酒今朝臘牛鞭昨日春山林藏勝地天地有遺民
池草生新夢牕梅若故人夜深風雪底鷄唱又催晨

橫泖客舍立秋日

塵世常為客天時又立秋病餘疎簡冊地僻少朋游
高樹商聲動虛牕雨氣浮生迷出處祇合老林丘

橫泖雜言二首

橫泖清晨望人烟樹幾重三江歸禹貢眾水會吳封

雲倚孤村塔潮生半夜鍾田翁談古跡隔浦是青龍

橫泖在吳淞
江南數十里

廣廈人來少青山遠對門緩潮通曲港高樹接遙村
井記袁崧宅鄉連宰我墩行吟聊適興心迹未須論

袁崧宅宰我墩皆在
數里間跡遺存焉

客舍早春

下榻荒村夜挑燈傳舍春江湖為客處花鳥隔年人
世事隨時變風光幾度新天涯芳草綠想見故溪濱

寄南金

樹老深村巷苔荒舊釣磯地偏途路隔世亂簡書稀
病骨須丹鼎閒身且褐衣春來能載酒重話久相違

哭劉希孟先生

蜀国山川秀吳門閎閎深家聲推朔黨世業擅南時

音時俗防遺跡直江湖見古心窠、紫霞譜諸子尚
能尋

有道常高世懷才只曳裾賦愁周庾信卧病漢相如
貧幸家擅在清無儋石儲斯文多汲引淚落寄來書

無錫東屯和朱梅山司丞韻二首

世亂人烟廢村荒道路賒遠山猶突兀朽木自歌斜
黃落驚林葉紅搖見渚花獨憐行役勸回首鬢霜華
此地窮兵後前朝跡跡賒黃沙成廣漠白骨競橫斜
鶴去空華表鷗飛起浪花却思天地裏底事有紛華

歲暮九山道中二首

兵火何多難人烟此獨存
鶴歸城郭老龍去海波渾
廢屋青山寺斜陽錦樹村
蹉跎猶自任軒豁共論誰
向老忘機事無營守故林
風霜屢採落身世轉浮沉
列屋咻齊語孤舟動越吟
梅開驚歲晚於爾慰貞心

橫溪夜思二首

宿霧隨雲斂寒星著水明
客舟移遠岸戍柝報初更
老覓驅馳倦愁思喪亂平
故人鷄黍約歲晚更多情
海角天寒夜沙頭月暗時
梅花還入夢芳草不成詩

聞道懷南郭傳書憶下邳
所嗟遲暮色豈計往來期

挽衛立禮先生二首

文獻承平族衣冠靜壽堂
塵居成大隱家學擅遺芳
牀上圖書富壺中藥草香
清門堪佚老喬木遽斜陽
白雲孤鷺操紅塵小鷗冠
陶情千日酒養道九還丹
風月詩篇逸乾坤舞袖寬
花堂行樂地春事在芝蘭

泗涇雜詩四首

閱世心先老看山興橫生
驅馳仍合道遲暮若為情
事向愁邊廢詩從酒後成
晚來黃葉墜閉戶聽秋聲

客枕驚秋夢，鄰春起夜歌。兵塵長在苒，歲月易消磨。
末習游談脉，浮生左計多。扁舟未落手，浩蕩白鷗波。
秋盡江村迴，時危世路艱。地偏從漫浪，身老絕躋攀。
隱几懷南郭，移文尚北山。興來仍極目，詩滿夕陽間。
鴈鷺橫秋影，村墟起暮寒。隱淪同木石，游惰廢衣冠。
白日那能駐，青山不厭看。故人江海隔，驚馬喜問平安。

次韻荅馬奉勁賢良見寄

公府徵賢日，賓筵講道時。抗詞風灑灑，退食晝遲遲。
才美蒼生望，文高宰相知。曳裾纔借逕，入幕已先期。

俞山月用韻敘舊如韻荅之

市樓聯榻夜，溪館艤船時。縱酒花飛遍，吹簫月到遲。
情隨時事改，心有故心人。知但得江山在，逍遙自可期。

早春用前韻述懷錄似馬俞二友

剪燭驚新歲，看花感旧時。身閒從鬢改，親老願春遲。
逢貧豈揚雄，逐愁惟庾信。知風塵任萍梗，未負野人期。

城樓雨夜

十月荒城夜三更
暗雨天鴈聲
營柝外鷄唱
寺鐘前
松菊何人問
萍蓬往夢牽
物華兼世態
回首一茫然

歲暮 丁未

江海歲云晏
乾坤戰未闌
世途長恍惚
吾道轉艱難
陶逕無成趣
龐門敢遺安
豈知投老日
不厭遠遊冠
己酉春金陵旅舍和蔡君立程傳可二友

韻

六朝江左國
二月雨中春
舉目山河異
驚心草木
新盍簪
忘孟浪
把酒慰艱辛
莫問庭花曲
吳亡

有鬼神

撫事傷遲暮
勞生感晦明
風塵城郭老
花柳歲時更
典午虛龍虎
阿房實鼎鑪
春寒欺旅客
二月未聞鶯

奉酬錢曲江見示韻

何遜詩逾古
江淹筆尚靈
秋風黃葉寺
春雨綠莎廳
行樂那能繼
浮沈不暫醒
鹿門在人世
何日遂潛形

漫成二首

久雨秋將盡
愁雲冷未開
神形神同木
石眼界總蒿
萊
舊讀書忘記
新成句懶裁
棲遲何所託
哀謝莫

相催

風急欲墜戶夜寒思授衣
亂離生事拙漂泊壯心
違舐犢長形夢亡羊久息
机柴門秋色起倚杖看
雲飛

春日橫溪

對酒忘哀騷看花憶故園
春光空在眼客路總忘
言老羨山林逸愁嫌市井喧
周旋從習俗出處
信乾坤

哭王子章先生二首

家世儒為業江湖字得名
貧居成樂地孝養出
真情造士登侯泮觀光及帝京
哲人天弗壽波
冷自鷗盟

好客長浮蟻書經每換鸞
家庭聞禮早舍館育
才多力學心何苦加餐老不磨
斯文總凋落天
道信如何

挽謝德嘉同知二首

鄉里推名族立園重老成
灑王書來暮景玉樹起
前声讀史諳興廢彈冠荷寵恩
晨星政寥落天

道底無情

高世襟懷古承家姓字香墳麓曾迭奏梓復
聯芳雲冷登山屐春閒夢草堂奕靈應不朽騎
鶴晉人鄉

和襄陽縣宰沙德潤春遊韻

春事元無算人生若有涯傷門新種柳滿縣旧
栽花小隊東山屐清風北苑茶襄陽行樂處几
度接羅斜

蟻術詩選卷之四

元雲間 邵復孺著

明新都 汪山稷校

七言古風

昭君出塞圖

漢代明妃余所恥遺跡猶存畫圖裏當時祇恨失蛾

眉千古相傳閩國體佳人命薄何足論大國禮重當

自尊堂、卯金亦左計孰謂夷虜能懷恩古今多少

明妃曲萬語千言題不足獨餘哀怨在琵琶近前音

聲轉煩促君不聞樊舞陽霍票鷄姚與嫖同英略奇謀竦

廊廟精兵十萬可橫行殄滅強梁在談笑吁嗟此志

何因循漢廷遂有匈奴塵命章同多益六國豎重當

松居圖歌為會稽陳元茂賦

暨陽山人讀書處隱約蓬萊山下住天荒地老百年

餘留得承平歲寒樹：根古屋弗計年樗櫟為棟薪

為椽蒼龍摩霄雲沃若天籟滿坐風冷然山人住久

忘清苦澆朴襟懷伴上古夜然明節作書燈晝煮茨

苓登宴俎海桑遷變孰可稽直欲掉首從夷齊提封

一夕遍鄉井高舉更覓青雲梯我欲尋真換凡骨屢

訪名山猶未得山人若許穿雲蘿輒向畫圖求髣髴

畫梅竹會稽王元章惠以墨梅且題其上

依題酬之

道人畫梅墨色爛頃刻畫成還自歎不教么鳳識貞

心故遣苔花封老餘餘空江歲晏冰雪寒江上月明

人倚闌隔江美人相見難誰其致之白雲間美人為

我語疇昔感此孤高混荆棘春風一夜到寒窗坐使

化工長太息嗟予清絕忘世緣得此似挹羅浮仙歲

寒相對深崖巔夢中梨雲豈其然

玩古行武川唐允文蓄古圖書碑刻金玉

彝鼎及諸器物一室中名之曰玩古齋

吁嗟世道久不古元氣寥寥僅如縷諸生日夕事簡
編猶欲冥心究鄒魯三墳五典素不完雲門咸池安
無語崑崗之火幾燎天大貝天球藐何許古人代謝
如逝波古道凋喪猶傾柯區區器物有成毀歲月既
邁存無何唐生游心及千載所見輒辨正與訛埽除
一室玩往昔迴與先哲相漸摩木落江空天地老江
上相逢漸潦倒世降俗薄殊紛綸乃是設心求古道
我亦齋居養時晦賴爾能來慰枯槁從茲可見羲黃
心歲晏相看有期保抱

桃源圖歌


陶公昔^作桃源記謂有桃源在人世不因漁子逐桃花
那得世間知此地重尋旧路迷其蹤天閻絕境無由
通偶因天台劉阮事乃謂此有神仙宮二事流傳本
殊絕後世相沿罔分別昌黎先生一品題疑誤為君
誅笑決誰將豪素畫作圖高唐想像終模糊陵遷谷

變屢反掌此中按堵猶唐虞民物于今同土苴有力
難尋種杞者白髮吳儂淚盈把安得桃源遍天下

荅唐元度惠草堂詩陽羨茶

君不聞浣花老翁隔春水長日清吟泣神鬼不求錄
事草堂貲祇送先生太倉米又不聞玉川破屋洛城
裏門外日高猶未起忽傳諫議送月團便欲蓬萊作
仙子二公高與出天機千古清風韻人齒文章舉世
尚茶歌名教相宗賴詩史青谿野人書屋底歲晚山
空念知己梅花獨伴客氈寒閉戶窮年窺故紙晉昌

才子好事者每與論文心輒喜襟懷蕭散涵江湖學
問春容有源委昨朝過我荒疇濱清貺灑然兼二美
我聞建安兵火餘紙價倍高書版燬又聞北苑道路
艱青箬城題阻千里豈期物色融心神不啻瓊瑰溢
筐篚呼童洗鼎烹石泉展卷高歌枯腸漱滌
生陽春老眼光明耀牕几我生涯
交得其肯從來亦有嗜茶癖知味
潦倒絕賞音一旦為君重屈指山中白雲不可持何
以殷勤報投李相期月夜來叩門瀾茗談詩洗心耳



旅秋竹行次韻荅錢南金所寄知近寓秀

水僧寺

紅葉風高墮寒雨商聲起自蕪葭渚三江逝水愴忘
歸獨客羈心亂如縷此時客在江之湄日暮途遠迷
東西鷗波萬頃清景絕鴈門十月愁雲低得子素書
如夢裏知甬山僧相汝爾東林結社或種蓮南郭養
生終隱几憶昔甬子同居時花前美酒燈前詩清風
明月見勾度流水高山得子期只今甬子成二老脩
名不立欣聞道歲月無情左計多江湖滿地知心少

十年共坐風塵中夙昔玄鬢成飛蓬慣看青白有俗
眼已悟得失如塞翁歲晚終歸釣遊處與子誅茆黃
葉路時從編簡對古人日涉田園自成趣人生百歲
何時間我輩久在浮沉間吁嗟長安日已遠莫負江
南烟雨山

題許守中太和丹室

至人水火鍊空鼎：中之物亡形影涵融造化發春
溫感兆乾坤歸內景後來學者傳失真幾人能識天
地根強將旁門作大道甲是乙非徒糾紛山人何處

得其秘烹煮砂鉛作良劑坐收元氣入刀圭起療沉
痾等兒戲歸來燕處一室中神光不夜春融：可憐
下土混昏濁豈若違世超鴻濛九還七返窈莫測欲
往從之限溟渤安得凌風振玄翮稽首安期間五石
乞與寒瓊換凡骨

四皓圖歌

長春道士身姓許博雅好奇心獨苦手持六尺高山
圖要我賦時原上古展圖宛見四老人秦漢既遠誰
識真當年事跡稍茫昧舉世傳說徒紛紛我聞前王

建邦國樹子由來戒無易仰金歆貽四海憂於此忍
能忘羽翼此行實為蒼生計世變相仍豈天意大經
一正四百年孰謂斯人終避世山中紫芝今有無草
木蒼莽埋丘墟驚濤虐雪昏天衢祖龍餘孽何由蘇
曷若計繼嗣為遠圖

澹滄漁叟引為樵李蕭養素賦

澹滄溪與鴛湖接中有漁舟小如葉漁郎把釣溪之
濱日夕歌呼弄煙月滄溟空濶風常寒紅塵辟易天
為寬襟期不帝在楚澤出處似欲凌巖灘一夜嚴飈

吹虐雪千山鳥斷人蹤滅忽然漂泊箕穎間洗耳長
流更清絕人生百年俱有涯榮辱不到漁樵家天吳
海若惡作劇信緣齋汨終無譁江南處：青山在江
上故人毛髮改尚餘鷗鳥識孤舟不信相看換桑海
武陵只在天地間可惜晉士成空還桃花旧路若邂
迥謝絕世故無厚顏

張氏三味軒歌

古來賢達當衰世往、全身遠名利典午骨肉紛相
殘東曹掉首成歸計秋風一夕吹三吳、中正美尊

與菰四腮入饌復雋永千里命駕忘馳驅一時託吳
無遺恨百世流芳有清論微物因人乃得名至今三
美餘風韻東曹一去今千年後昆散處猶多賢時持
三物弔遺點清風峻節還依然九月秋深天宇肅三
高祠前風落木漉酒高歌送迎曲吳淞水碧吳山綠

穀江行三衢之江山常山二水自須溪金

川合流交錯如穀故名穀江穎上文學

掾徐景顏居於其間自號穀江漁隱云
吾聞西安之水如羅紋江山形勝相吐吞二川合流

勢不分清泚迴，風雲奔中有幽人。居喬木映衡門，
高世偃蹇甘隱淪。先秦文字不啻數千卷，日夕莊誦
若對羲黃人。具來出門放孤艇，一竿坐釣清粼。落
落渭濱叟，榮名滿乾坤。籍煙波徒高節，摩峨岷清
風灑，絕俗塵千載而下，氣益振神交。夢接意所親，
古今成敗在指掌。一室燕坐窮無垠，十年戎馬中原
昏城郭，柰達乃爾成紛紜。抗顏為師我輩事，忍使此
道尼不伸。慷慨投袂起，歛見姐豆陳。况茲潁水湄，禮
義夙所尊。歐蘇之跡遠未泯，至今父老遺風存。君今

生意滿藻芹，木天米廩手可捫。某丘某水荒荆榛，猿
驚鶴怨誰與鄰。君不見鹿門谷口雞犬村，野人笑語
春風溫。年，碧草哀王孫。

灤東耕畔歌為烏溪黃成章賦近在潁庠

分教

天寶乾元亂離日，東川西川氣蕭瑟。中原旋復九重
城，灤水猶存萬家室。杜陵野老悲無家，白頭漂泊錦
水涯。入幕何堪故人死，為農復歎京國賒。此翁高節
無復得，後輩猶懷踵遺跡。蜀山萬里何茫茫，詩史千

年長歷，我有丘壑如壤東春畊秋斂誰復同浣花
草堂在眼中日夕想見前賢風十年出處學彌勵放
逐居然增意氣從容時發舞雩詠淒涼亦灑新亭淚
人生百年安可常行役孰不懷其鄉一朝杖屨賦歸
去故園草木生光芒

蟻術詩選卷之五

元雲間邵復孺著

明新都汪南稷校

七言排律

汪太守壽席同諸老分韻得蘭字

九仙山下梅開早生意齋前竹耐寒挿架書多呈琬
琰寫經牕靜長琅玕晝閑風滿談玄塵春暖庭生結
佩蘭老子胡林饒逸興卽君絳戲有餘歡對棋不勸
仙柯爛醉草從教墨沼乾門外塵氛俱辟易壺中歲

月儘盤桓已聞北闕徵黃霸未許東山老謝安南極
景星明永夜鶴書欲下五雲端

寄寄孤山和靖祠堂葉掌祠

聞道高居絕世塵湖光十里碧粼粼向來東閣梅花
好近日西山爽氣新學士港春窮窳先生冢石
嶙峋共欣當代文風盛不使咸平勝迹湮結屋數楹
鋪俎豆種花千樹闢荆榛明時牙簡書高節吉日生
芻屈播紳綠髮掌祠談笑逸畫船載客往來頻新亭
風景應回首故國江山亦愴神蠟屐一覆吟踏雪銅

錢三百醉行春家童放鶴青冥上道士籠鵝綠水濱
清宴有時呼錦瑟高歌長是岸烏巾江城握手窮冬
迫客舍論心古意真一自北風吹去旆幾番南浦候
離人喜從歸鴈曾傳信咲指盟鷗欲問津谷口犁鉏
仍汨沒山陰觴咏屢因循生涯自信滿中斷意氣深
期席上珍安得鳴鞭追腰裏尚能肆筆對麒麟黃昏
踈影應無恙白雪陽春莫效頻單絳帳談終有約青
藜照坐定相親西冷渡口重維權第二橋東擬卜鄰

曹安雅翁新營瀼東莊

葉家高相山

小隱清溪多歲月舊家喬木老風烟雲寒高卧崑山
屋雨暖深畊漑水田洛社衣冠無俗習善和書籍有
人傳飄蕭華髮三千丈寄傲清時六十年著述自堪
當野史歸林休曾不念塵緣春生粟里双吟屐秋入
吳淞一釣船茶盃通仙揮塵外酒瓢留客剪燈前夕
諳時論同堅白自許風情合太玄白璧一瓊光炯
朱絃三歎舞躑躅深玉樹孫枝長籬遠黃花晚節
妍氣味本同瓜圃歲寒猶比竹林賢想應出處人
同世好在鴻濛太極先

蟻術詩選卷之六

元雲間即復孺著

明新都汪 稷校

七言八句

各枕

重到玄都異昔時紅香冷落怯瓊肌天寒人面誰相
映歲晚漁舟或可期三月禹門風浪惡小春仙洞雪
霜遲淒涼不似天台路萬一劉郎有所思

苦梅

空濛烟霧滿羅浮紺碧生香夢未休綠髮夜寒遺玉
瑱羽衣春暖怯蒼裘小牕橫幅丹青落古殿殘粧翠
黛愁骨化寒瓊心似鐵至今公鳳妬風流

出遊別溪上親友

筆林茶竈未荒涼籬下黃花尚晚香紀夢每疑蕉有
鹿讀書却笑穀亡羊葵荒杜曲經秋雨柳老江潭帶
夕陽明日扁舟隔煙水風流詩酒未能忘

次韻王彥強客懷

秋風城郭起層陰遼鶴歸來歲月深鏡裏光華催綠

髮牀頭顏色歎黃金班生有志終投筆鍾子無言久
廢今琴白石溪頭問鷗鷺不堪塵事日侵尋

江城暮春書事

三月凝雲連白晝蒲城宿雨漲黃沙歲華不改綿蠻
鳥春事俱成頃刻花每厭巡牕飛野馬絕憐沉竈產
官蠹庭槐自是南柯夢觸悟愁人起歎嗟

次韻安雅翁亭屏榮悴松園

從來故國多喬木此地春風及暮陰榮悴忽看屏上
樹扶疎却憶澗西林某丘易勳頻年感今雨不來何

處尋歲晚山空重回首題詩不覺小論心
予故家在嚴陵澗村
西之

寄錢素菴鍊師雲間南城大族

南城曾看五陵花東郭新營處士家
每向郢人傳白雪未從葛令問丹砂
華亭夜聽橫江鶴銀漢秋期泛渚槎
忽見梅花耿相憶來清處夢遠薰葭

用曹雲西翁韻簡瑞間雲南開士

清谿蘭若十里外謝絕塵緣定卜居
風靜花飛巖上衲兩溪苔汗壁間書
酥燈夜話維摩室蠟屐春尋

處士廬白髮江湖多歲月叢林禮法未能踈

寄錢南金孝廉

與子間濶始十日離別未遠相思深
風燈耿目美人夢江蘼漠、遊子心
綠柳向人春灑淚碧雲隔水暮生陰
西園花事已寂寞莫為愁絕廢新吟

奉寄熏自聞上人併謝槐葉冷淘之款

已公屋下涼無暑翁仲門前水拍天
槐葉冷淘時供客蓮華刻漏夜參禪
獨居不廢叢林禮徇俗仍明出世緣
自有門徒能養道無因重問瀼西田

挽會稽呂勉夫先生咸平宰相申國公九
世孫也

家聲奕世畫凌烟曾傷城南尺五天白髮襄陽耆旧
傳黃花粟里義熙年山中夜雨燒丹火門外春風載
酒船何日蘭亭訪陳迹摩挲遺碣拜先賢

次韻曹雲西翁雨牕述懷

時故里大水

積雨空齋書欲眠莫雲親舍水茫然春餘故國烏衣
夢秋惱中郎綠髮年漢柳蕭蕭吹笛裏巴山歷歷剪
燈前正愁松菊荒三迳失喜新詩寂寞邊

題徐中孚高士代祀武當桃源中朝諸公

詩卷

羽使衣者持金節分得天香下玉墀四海山川歸望
秩九重雨露及虛危桃花洞暖瓊田在華蓋峰高鐵
鎖束紫府仙官來校籍想應曾采玉堂詩

孤山新建和靖先生祠

曾讀咸平處士碑水沉亭北黍離：南枝不似當年
樹今月曾看此夜詩歲久蒼麟眠古墓天寒白鶴認
新祠斷橋流水聲鳴咽獸對清香酌一卮

暮春次南金韻

茸：野草帶煙藍，漠漠溪花隔霧酣。
邨店人稀鷺嘯，午官河風暖柳眠。
三小童荷鍾朝，筍幼嬾條桑處。
處盤錦里詩人最，蕭散短筇時過小橋南。

題錢素菴鍊師封雲室

陸地仙家雲氣深，達人棲息共無心。
山中虛室夜生白，戶外長松晝落陰。
瑤草滿階童不掃，洞天無鎖鶴來尋。
華山高處春長好，不管桑田變古今。

又可月亭

結屋天壇爽氣多，廣寒仙樹影婆娑。
神遊太極黃庭景，興逸虛空碧落歌。
竊藥姮娥秋有約，吹笙王子夜相過。
道人燕坐光明裏，春滿華池白玉波。

謝王伯靜惠葛巾

為嫌山鳥怪儒巾，故使青綸矯俗塵。
章甫未能酬壯志，遠游且復邁時倫。
對花漉酒青山暮，閉戶煎茶白屋春。
三月芻衣相掩映，舞雩定約詠歸人。

東永嘉裴日章進士

鹿鳴詩裏知名久，鴈蕩山中識面難。
若士妙年先入

幕有才如此盍彈冠
炎方荔子書能致
水國鱸魚興
莫闌我在谷陽城外
住日長掃徑待
唵鞍

次南金見寄韻

欲采江離遺所思
蘼蕪滿地綠離離
青春不送五窮鬼
造化猶如一小兒
落日中原鸚鵡賦
東風南浦鷓鴣詞
杜門一向生塵俗
不覓今朝又有詩

寒食雨中

芳草離離遍五葺
雲間田為天涯收拾暮愁濃
西郊風雨一百五
南國江山千萬重
眼底春光長拍塞
鬢

邊秋色肯從容
闌干此際偏腸斷
零落梨花晚寺鐘

奉王眉叟真人二首

兩袖天香近六龍
几陪宸馭到蟾宮
鑑湖一曲承恩後
瀛海三神入望中
新種梅花期處士
久留丹井付仙翁
漢家正重神仙事
已築崇臺倚碧空
曾望清風過十洲
寥陽宮殿五雲浮
仙人金掌涼如水
老子胡牀月滿樓
談咲屢陪千日酒
過從時借九花虬
几回目送飛鴻去
憶共山中宰相遊

五茸春水碧生烟
歷歷平林隔武川
狂客問奇長載
酒仙人賣藥不論錢
橘間棋子尋真樂
竹下苔痕醒
醉眠錦里錢
即來往熟相逢
世惜寄新篇

簡吳太然高士

玉皇香案久辭官
小隱雲林帶鶻冠
滄海三山求磻
石黃房五夜轉還丹
自緣瓜圃生涯拙
頗覓樵溪去
路難我亦山陰寫經手
几時換得白鷺看

簡楷則中書記

上人家在武塘南
一曲林泉護石龕
滿室天花紅陣

陣遠池春草碧
絳皐比教雨宗湖
學塵尾清風雜
晉談聞說吾儒黃
琳度詩禪日
每同叅

簡黃魯德秀才

洛下衣冠遠莫追
城南韋杜本同時
江山風景知何
似
湖海襟懷自有期
近况俱題鸚鵡賦
旧情猶託杜
鵲詩
蘭舟夢遠清溪曲
杜若花開白晝遲

簡賢大愚座元

江湖名字久相知
一棹秋風見面遲
方外有緣能致
我山中無物不堪詩
更長屢下蓮壺箭
雨暗猶殘竹

院綦自恨野人無玉帶相逢未敢道深期

送張茂夫之南安縣尹其父嘗為翰林學

士

玉堂學士家聲曰花縣即官事業新庾嶺風煙終帶
古楚江天氣最宜春好將鼎寔調羹用莫遣鱸魚入
夢頻料得此行詩更好因風寄與隴頭人

早春錢南金見訪用陳景曹韻紀會

春溪一擢竹枝歌倒屣相迎感慨多塵土不知新歲
改兒童共喜故人過對牀傾倒情還在接燭盤桓意

若何如此襟懷最真率心聲歷歷見天和

次韻孫果育先生海鹽茶園道中作地名

夾山有金粟寺試茶院錢南金嘗約予

遊未果

聞道夾山金粟寺一如兜率淨居天雲藏衲子煎茶
屋春著仙翁載酒船打破斷碑何代始種來高樹百
年前錢郎詩裏曾相約蠟屐因循未了緣

次孫果育先生觀海韻

夫子旧傳觀水術先生到海輒尋源瀛洲方州丈天

茫昧賜谷嶠夷浪吐吞形勝不嫌吳地僻要荒共仰
漢槎尊明年三月桃花浪會有神魚過禹門

乙酉歲人日閒雲瑞師過訪得唐復齋

錢南金賢大愚各以倡和之詩見寄因就

韻各答一章以當新春問訊首答閒

雲未見

野屋春生喜錫飛曹溪一宿話遲遲未忘兜率叅禪
解且問匡廬結社期世道不侔空向老物華如許却
堪詩明朝煙水迤迤遞慚負却州竹一枝

答復齋

武川塘上暮雲飛春水迤迤：放棹遲謔說銜杯如阮
籍可能問藥訪安期人間動是經年別方外相傳近

日詩願乞昌陽留綠鬢東風潦倒插花枝

答南金

茸泖天寒雪不飛蒹葭溪雲斷雁來遲春回故園元無
賴人在殊方未可期芳草王孫何處客梅花人日去
年詩門前雨後新收綠獨欠吟舟繫柳枝

隔浦外林答大愚

馴龍伏鉢夜深飛破衲生光出定遲
栢子想應机不露梅花自与月相期
從來名教唯多樂近日浮屠總好詩
欲把談玄犀麈尾与君林下換松枝

重東南金

江樹春雲與款飛扁舟相見偶然遲
風埃俱負幽棲役丘壑曾為汗漫期
晋代玄談几造道周南風化豈關詩
思君只隔烏衣巷喬木春深有旧枝

頻年与陳景會分教泮宮去秋竣事新春

答景曾有詩見寄次韻為答

故人往不歡遊阻客舍朝
俗事增秋冷泮池同撤席月明江市又收燈
汗青編簡無新益
晷畫闌干憶舊憑芳草連天未歸去
小山招隱復誰能

送吳景高廣文秩滿歸永嘉

東州文物恒多士此老家聲著昔時事業遠承湖學
派典刑曾識漢官儀
鴈山喬木春長在魚浦歸舟晚更移
每共劇談前代事夕陽燕子獨相知

寄次李太無鍊師見寄韻

華髮蒼顏白恰衣
遠遊冠上異香飛
花開碧洞春風

起丹轉黃房夜氣微白雪詞章雲作篆玄洲步武玉
為磯款攜談塵壺中去共講陰符起陸机

次韵謝戴彦李先生

其父即初先生與先
大夫同登咸淳辛未

榜

曲江宴集義熙年諸老風流競酒船後世尚存金殿
策前脩已化玉樓仙日斜江鷺春尋壘月冷湘靈夜
促絃握手莫傷遲莫恨一經猶得似韋賢

遊吳中靈岩寺

百尺蒼頭一徑通行輿宛轉翠微中春尋謝監登山

屐路入吳王避暑宮嚮廊深雲氣白彈琴石光老
蘚花紅吳兒不計吳亡恨猶說陶朱霸越功

歲暮寄南金

時在苒涇
積善寺

隔岸人煙是苒溪梵王樓閣樹高低美人只在寒雲
外破屋依然谷雨水西歲晏冰霜無勝事春來花鳥
待新題不堪音問經年絕夜久相思夢屢迷

哭李仲輿隱君

先生有道獨沉淪窮巷棲遲若廢人龍劍有靈能役
鬼毛錐無術可娛親變來騷雅文逾古論入玄微學

更醇重到西齋弔遺跡朔風吹淚灑叢筠

題吹笙人詩卷

截玉參差作一攢欲將天籟起雲端竹餘嶰谷年華
老鳳去緱山月色寒江上酒闌人窈窕夜深簧暖燭
沈灩小樓吹徹東風冷歷歷江南入夢看

海濱何隱齋靜得軒

聞說高居近十洲一塵不到海天浮簷前白日皆清
景座上青山總勝遊花氣入簾春寐穩權歌到枕夢
悠閒几時約得蓬萊侶跨鶴秋空訪隱侯

辛卯歲臘月大雪次曹安雅翁韻

馮夷捲水夜深飛竟日同雲掩晝暉漢節零淹屬
國琵琶哀怨泣明妃豈無鸞鳥攻成略自有龍蛇起

陸機千古桐江擅高節羊裘未肯換朝衣

海濱何氏攬秀樓

百尺高居隔市寰青冥物色手堪攀目窮瀛海三神
表身在匡廬五老間江燕舞殘春雨歇玉笙吹徹暮
雲還登臨更起瑤臺興便欲凌風響珮環

新春答陸伯蒙見寄之韻

竹藏每辱故人憐世道無情久荷纒天上寅賓平秩
日山中甲子義熙年談玄廣坐風生席乘吳孤舟雪
滿川不怕春來增紙價快題新句任人傳

答明心印上人約遊澱山寺

人間樂事無前定方外論交有宿緣謝監好山長貯
屐遠公結社合栽蓮三千世界非塵境九十春光半
雨天準擬前村寒食後移尊共買澱湖船

石湖圓覺中半雲法師和前韻見寄再韻

辛
答之

石湖蘭若好林泉開士深居息萬緣閱世無塵心似
水談經見性舌生蓮花邊問訊春三月江上懷人雨
一天若得賁公容夜宿便尋祇樹泊吟船

橫泖客舍二月陰雨兼旬無朋游詩酒之

樂花木禽鳥之觀不能不動貞溪之想

賦以紀懷

東風吹袂起征塵驚見門前柳色新客路驅馳連月
雨故園隔絕幾分春杏花村落懷人遠芳草池塘入
夢頻蓬鬢蕭蕭慚旅食人生只合早謀身

次韻荅曹村範春日感懷

年少光陰去等閒繁華過眼竟忘還
王孫芳草天涯路
仙子桃花海上山
絕代風流多失意
百年身世幾開顏
重逢快覩新詩筆
吳統平蕪夕照間

早春潘濟民遠過客舍以詩見示和韻為

深谷荒涼動遠思
隔年冰雪放船遲
文風歷代有消
長世道百年多
亂離每憶漢槎天
上下可勝羌管月
中吹時危處無
行樂客裏逢春總
不知

紅梅

夢入羅浮醉未醒
梨雲路接錦宮城
明妃誤受關氏
聘倩女終騎玉鳳
行蹋月前村
疑問酒餐霞閣
苑勝調羹黃昏小
立看清淺歷
珊瑚水底明

贈王同愈

萬里江山入戰圖
歡聲一鼓集東吳
三秋奉使終歸
漢五月將軍欲
渡瀘訓練只須揮
白羽功名何止執
金吾行當早入麒麟
畫却弄扁舟泛五湖

次張漫亭雲溪菴晚望韻

雲溪菴外野人家秋晚行吟石逕斜胡馬長年肥首
宿塞鴻一夜集薰葭舟中歲暮懷張翰琴外風清感
瓠巴天際楚江楓葉赤眼明只想是春華

挽錢素菴鍊師

儀鳳橋邊喬木盡雙鴛湖外草廬荒土埋石磴栽松
鏤塵鎖雲牕辟穀方晉代清風當入傳郢中白雪定
遺芳翩然跨鶴雲間去顏色猶疑在屋梁

和倪德中見寄韻

白首窮經未識兵年來世故總忘情棲遲豈謂逢衰

世治忽何嘗屬腐生夜月賦詩嚴武幕春幕風醉酒
亞夫營自慚疎濶元無補那得微言協大平

清明日陪王同舍遊馬跡山

馬跡山中雨乍晴鴈門灣裏水初生山川易主何多
難花鳥於人尚有情四海風塵均造化幾家歌舞過

清明春風吹上籃輿去戲逐元戎小隊行

次韻焦漢章胡景仁見貽之什

屢經患難思逃世未有文章辱薦賢荒草夕陽多戰
鼓落花春水失漁船黍離滿地空懷古萍泛無家亦

任天猶幸晉人風度在相逢不肯廢詩篇

過千山荅孫果育先生見示之韻

傾尊屢聽燈前雨揮塵長懷坐上風飯顆獨憐工部
瘦溧陽應念孟郊窮黃塵世事悲歌裏白髮光陰醉
夢中猶幸千山青在眼扁舟來往起飛鴻

寄馬敬常冠軍

憶昨吳門八月樓將軍對客最風流青黃竹簡分詩
韻紅白花枝計酒籌柳暗新營嚴武備菊殘荒徑賦
歸休春來又動江湖興準擬追尋話旧遊

辛丑七月一日寓橫溪現迎引大士經會

酷暑鬱蒸廣庭露坐忽晚雲送雨神氣
始蘇唐元度有詩見似因口占以復

赤日黃埃蒸酷暑澹雲疎雨薦清秋三江海近新潮
上七月天空大火流晉代有人皆曠達周南底事獨
淹留此行已訂蓴鱸約何待須乘雪夜舟

次荅海慧久上人見寄韻

海慧寺前官柳樹當年曾挽繫船枝一從勝地經烽
火無復叢林見禮儀雲冷沙汀鷗夢遠月圓華表鶴

聲悲孤舟尚有殘僧在頭白滄浪把釣絲

漫成用楊廉夫韻

歲月驅馳坐白頭已將心事付東流百年南國無遺
老千古東凌只故侯丘壑忘形羞覽鏡風塵滿眼倦
登樓故人往情懷在不廢山陰雪夜舟

寄鄉人魯道原贊府

七里灘頭野燐紅鄉閨隔絕夢魂同由来王伯吳衰
際總在春秋筆前中蘭佩無時懷遠渚荷衣終古耐
秋風相期共載華亭月歸訪双臺把釣翁

懷澄江鄧毅夫帥叅

鄧子清才意氣多承平風物飽經過談兵夜入青油
幕載酒春鳴白玉珂客路情懷仍曠達鄉閨歸計尚
蹉跎春來應夢池生草遲我西牕剪燭歌

寄馬文璧徵士

有客寄家胥浦上放懷詩酒四時春輞川蕭散王摩
詰谷口優游鄭子真夢裏江花生絲筆醉來山雨墊
烏巾因君寫出蓬來路喚起江湖老病身

簡崑山慧明極上人

善詩文隸古

不見高人兩載過望中樓觀碧嵯峨中原小篆黃龍
刻西域靈書白馬馱我輩襟懷於世薄禪家風度託
詩多三江流水春還綠擬放輕舟入薜蘿

答馬敬常冠軍見寄韻

南越將軍思不羣東吳詩壘薄層雲魯連既出攘秦
策司馬寧無難蜀文天地洪荒千古在山河形勝几
回分英雄自昔生哀世韜略于今已屬君

答張孟膚見寄韻

雲邊城郭是蘇州一櫂輪汗漫遊麋鹿臺荒山不改

鷓鴣江在水空流青藜仙杖應相訪紫錦奚囊莫漫
投遲莫行藏君識我端君豈是傲王侯

孫長慶小山招隱

陸机山下小衡門晉代風流此獨存世亂有誰招隱
士草生何處覓王孫上京冠蓋遙相望陋巷簞瓢頗
自尊獨許野人分坐席時時拒掌到羲軒

曹幼文遺安室

家有襄陽耆旧傳經時幽事頗相關求田問舍中年
後望水尋山夕照間白日戰塵飛不到滄江鷗鳥去

仍还鹿門此去幾千里遺跡依佈尚可攀

錢思復寓柳濱見荷花憶西湖遊賞有詩

述感書以求和步韻復命

每愛西湖六月涼水花風動畫船香碧簫行酒從容
醉紅錦游帷次第張月殿承恩露霑沆瀣星槎流影
下陂塘江南秋冷紅衣落離立西風舊恨長

再和

吳山風物久荒涼十里紅蕖失旧香貝闕珠宮渾寂
寞弓腰冷袖亦更張馮夷鼓罷風生渚太乙舟迷月

暗塘異縣相思正愁絕一聲羌笛楚天長

七夕次思復韻

乞巧詩人白苧袍剗瓜宮女寶鸞刀銀河浩渺終難
測粉席橫陳亦漫勞節物因人傳習俗經星何事有
遊敖貧家用拙還依舊犢鼻仍將古錦韜

再和

梧風漸、振締袍又見深閨試剪刀時俗濫希天上
巧仙家應厭世間勞那能高會如秦女安得良優李
楚敖此夕相看對吟壘敢揮白羽運奇韜

癸卯元日每南金感旧而作

二十年前新歲月日每君剪燭鬪新詩春迎北斗魁
三象詞唱東風第一枝共喜舌存心似鐵不嫌身老
髮成絲梅花重為斯文頌拍塞陽和入酒卮

張孟膚過余故里有詩寫曹雲翁西園景
物不覺起余旧感向來文物荒蕪殆盡

前輩典刑邈不可見樂之地間存遺跡

長厚之習則掃地矣不能已於言也

故里依佈綠野堂軒窗面俯滄浪長林接地陰如

染遠岫當門翠欹翔石井銅鋪琪樹老雲階月砌蘚
花粧煩君袖裏如椽筆寫入堅珉每記將

青龍任氏母貞節堂

龍江喬木映江波清白名門世不磨孝子善藏諷草
什族人爭誦柏舟歌天寒翠袖愁何在春暖斑衣樂
更多已喜年來慈竹長孫枝漸滿鳳皇坡

楊廉夫受吳門賓館諸公餽餉為詩自述

且求友朋屬和次韻荅之

甘露英華生間世文星光彩動南天公孫館下無虛

士揚子亭中半列僊二月煙雲詩入畫百花洲渚酒
如泉諸賢能致先生饌應取侯鯖手自編

甲辰元日次成元章韻

經年高臥似袁安忽報新春起正冠門寫桃符寧却
鬼盤行麪繭湯探官几家夢草催詩句何處生花上
筆端白髮不禁春色惱東風莫作故人看

早春過曹雲西翁園

曹園花木又經春旧客重来感慨頻先輩風流如隔
世承平典故屬畸人唾壺塵尾何時設冷袖弓腰幾

度新老眼看花重回首天涯無處不風塵
次錢思復寒食懷錢塘韻

夢裏錢塘鎖暮煙鶯花不是旧山川露凉古殿銅盤
折月到荒臺錦樹圓綿上空存寒食節長安無復麗
人天相看莫說承平事頭自傷心海變田
送勤無逸上人亂後歸西湖復業

海内年来尚阻兵叢林諸老亦凋零虎溪橋斷山靈
去鷲嶺雲荒野燐青石蘚不侵詩壁字天花應待講
臺經勤公歸去開樓閣歷歷諸天擁翠屏

丁未元旦和夏頤貞韻

守歲爐邊燭影搖
門前賀客笑相邀
謾將詩句題枰
板便覺風光襲
枰條時事總開良
史筆曉班誰續侍
中貂老夫無復承
平夢驚見春回
北斗杓

曲江居士以險韻而倪雲林論方外事和
者閣筆余適自外歸持來求正戲為下

轉語

續得曹溪第九燈
曲林趺坐敢橫肱
庭前擊竹知童子
海上留衣記老僧
花落空中多似雨
瀑懸岩上直

如繩若能問答無
生話別有玄機最上乘

次元博弟初度自壽韻

君似陶潛早覓非
我如李廣老尤奇
稔聞桑海風波
惡始信桃源歲月
遲夢昧不忘重慶
日笑談寧似太
平時相看共識浮
生造化真如一
小兒

和楊鐵崖曹園感懷韻

曹氏家園百歲餘
承平遺跡久湮蕪
路埋銅爵西陵
瓦甍暗襄陽海岳
圖春雨荒池花濺
淚夕陽喬木鳥
呼雛凌虛臺上論
吳廢千古雄文屬
老蘇

宗上人芝山小隱

翠微深處遠公家
不用塵寰共歲華
寶樹七重環淨宇
靈芝五色散天花
簷鈴響答頻伽鳥
麈尾香飄蔭葡萄
花獨許杖藜携酒客
時來分席岸烏紗

俞子昭見寄旧懷新感藹然言意之表次

韻奉酬

愁坐牽衣拂劍霜
悲歌撫掌按伊涼
塵中白日驅人老
雲外青山引興長
詩句近傳何遜好
酒徒還放麝生狂
羨君高隱東林下
卷畫圍屏面一張

用曹新民韻感曹雲西翁園中老梅

夜來夢入羅浮路
解珮依佈見洛妃
荒草等閒埋玉樹
冷雲猶解護苔衣
空懷吹笛花前醉
無復觀燈月下歸
老子風流總陳迹
只留遺恨菊斜暉

歲晚訪陳景曾于金澤几間有新詩信筆

和韻以述會合

茫：岐路失東西
冉：緇塵翳客衣
春雨滄江鷗識侶
秋風華表鶴思歸
殘生同葉迷仙島
某水投竿感旧磯
歲晚逢君如夢寐
相看共喜姓名微

次韻吳野舟見寄
玄鶴歸來世事訛
白鷗盟冷困滄波
山河錦繡今誰識
閨塞荆榛莫浪過
四序光陰歡樂少
百年身世別離多
老來不奈親情絕
時復漫起夜歌

新春和徐澹然處士韻

青年有脚春如夢
綠髮無情雪作堆
世故紛紛催我老
愁懷拍塞向誰開
草荒金谷花無主
日落烏衣燕不來
待得東風立判壑尚堪扶醉一登臺

俞遂良有遊九山之約借韻促之

千里漸成荒草地
九山仍在亂雲堆
孤村新歲春猶淺
窮巷兼旬雨不開
老我尚堪携酒共
知君欲約故人來
時危會面應難得
放浪須登百尺臺

奉酬夏時可文學早春之韻

春從雪後試初晴
客在雲間憶故城
賣藥仙人聲價重
種桃隱者去留輕
蟻杯餞蠟驚新味
鳳曆催年感旧情
猶幸與君同晦跡
殘山剩水尚堪行

遊賞心前澹然時可遂良三君子皆有春遊之具借

問學水鳥詩韻訂之自春主賦上遊詩景盡於詩裏

間閨水鳥報新晴拭目春生海上城好景盡從愁裏
過賞心猶向老來輕百年往事如兒戲千古東風不
世情長憶杜陵經喪亂曲江春色尚潛行

贈嘉定普福宮秦東海高士

東華外史繼玄風普福仙源屬正宗筆底丹書呼白
鶴匣中星劍閎蒼龍瑤壇功行三千數閨苑煙霞几
萬重有約同遊尋大藥明年先上大茅峰

送陸伯翔翁往金陵授業侯門

鳳凰臺上春風起鸚鵡洲邊暮景斜四海車書今復

混六朝文物尚堪嗟深衣雪鬢絃歌老列鼎宮壺袞
繡家回首故園如隔世身閒不必問生涯

贈理即中上人禪學之外尤明丹法

中年好道嗟何及方外論交夙有緣白日堂中唯應
世青山往來負談玄已期入社從彭澤豈謂逢僧似
紫賢南派薛道光禪師號也借我林間松麈尾相看儘可答詩
禪

九日橫溪客舍

晚節追思往事艱老來未得此心閒欲題紅葉無佳

句相對黃花只強顏出處幸同衰
州木登臨不媿旧
江山酒杯还似當年綠
忘却風前兩鬢斑

賦同門友葉子澄春星堂

君家住近白榆鄉
依約風林左
氏莊處士
隐居春入
畫賢人聚處
夜生光
乘槎泛渚
仙風迴
燒燭張筵飲
與長底事同門
少年子老來
濶絕類參商

又賦子澄雪篷軒

歲晚瑤花滿太虛
翩然蓑笠混樵漁
浮家直到空明
際問路重尋混沌
初嚴瀨客星應
點澹山陰人跡久

蕭疎老夫亦有孤舟在
擬約凌寒共釣魚

甲寅至日在橫泖客舍憶存沒二子
長在
穎上

幼幼沒
濠梁

父子睽離骨肉寒
每逢時序輒辛酸
濠梁逝水聲鳴咽
箕穎荒原路杳漫
家廟蒸嘗難備禮
客鄉寢食敢求安
海隅兩度逢南至
坐對梅花強自寬

和錢思復過真淨旭公房所作

短褐長鑿隱士風
蒼顏白髮瑩雙瞳
池邊駐馬邀山簡
月下登樓約庾公
縱酒放歌聊玩世
尋僧問語且

談空十年同在風塵際
几見春雷鼓壤蟲

秋日過余山

幾年不到九山中
今日扁舟興尚濃
亂後人煙俱落
落歲寒林木尚重
追尋故旧皆新鬼
曾見吳衰是
老農我欲卜居愁
險絕老來登陟窘
龍鍾

荅胡克溫惠藤枕

廣州高枕織花藤
黑白縱橫疊浪層
繡褥錦屏寧肯
汙蒲團紙帳
實相應書藏墨子
誰曾識夢見周公
我未能便欲東山學
高卧不堪華髮久
鬢鬢

又鐵冠

高人鑄鐵作儒冠
雅製由來出杏壇
剗氣未輸逢子
掛鏗鳴政合貢公彈
山林服飾猶多誤
霜雪頭顱却耐寒
野老初非真御史
有時怒髮也相干

感橘

伊昔洞庭風景好
滿林秋色類春光
后皇嘉樹深培植
巴蜀仙翁久遁藏
晉帖特書霜未降
吳姬解道手猶香
踰淮不奈多為枳
應望江南憶故鄉

百六十四
黃岡賈彥德碧梧軒

百尺青桐覆短牆
重車蓋翠陰涼
北平甲第停鳶
鷓鴣東日高崗
起鳳凰風度綺
牕春弄影露浮
金井夜生香
練衣塵尾蒼苔
磴遲子清談送
夕陽

賦鄞士梅隱

萬玉林中一草廬
市聲不到此幽居
孤山處士曾通
譜秦隴行人獨
寄書瓦甕酒香
春動後石橋屐
冷雪晴初高情
迴出紅塵表不
比桃源禮灑疎

高入海

蟻術詩選卷之七

元雲間 邵復孺著

明新都 汪五稷校

七言絕句

東風吹鬢酒消 拄杖看花又一年 怪底江淹客易

老幾回南浦送春船 對薰風輕扇 草草半開書

早春鴛鴦湖夜泊

燒燈過了 閒門靜踏月 歸來宿酒香 何處高樓夜吹

燒燈過了 閒門靜踏月 歸來宿酒香 何處高樓夜吹

笛曲中 柁葉斷人腸

晚晴二首

權籬疎處夕陽明 簾捲薰風溽氣清
竹簟半閒書帙亂 倒歌烏葛看新晴
濯、南風入葦衣 門前江色映書闥
浮雲卷盡天連水 兩個鷓鴣上下飛

小鬟以墨海棠為名友人張子正為之畫

以求題

嬌枝小出簾櫳 賜浴華清淨洗紅
一自金臺供奉

後夢魂長在研池中

七外日孫果育文席上有詩首句約坐客

各續卒章為賦如左

白髮年逢七夕 青天夜見双星
客樓亦有當時月 却照誰家戲綵庭

題演上人畫蘭

空山楚雨夜淙淙 一硯春雲起碧牕
却憶扁舟載離思 暖風容海渡湘江

春樹村莊題危鍊師春溪小泛畫

春樹扶疎水接天紅塵不識此山川風流二老衣冠
古多是山陰道士船

題黃一峯畫扇
南州丘壑無今古東晉衣冠久陸沉便欲相從二三
子滿船載酒劇論心

陪曹雲西翁携妓泛荷舟中次韻

蔡宮仙子倩霞粧太乙真人白苧裳獨欠湘靈來鼓
瑟冰絃歷歷按清商
紅藕溪頭白玉磯畫船載客憺忘歸僊姝散得天花

乱不敢飛來著羽衣

明日曹安雅翁約席上諸公再放蓮塘席

中間次韻

老漁魚吹浪起層瀾六月陂塘特地寒花底畫船人
似玉忘机鷗鷺亦貪看

花間玉露夜生香淨洗冰肌不受粧三十六陂還有
約定携羽扇看新涼

次韻荅衛立礼元旦之作

鬢底新霜白未真情懷已似老來人春風獨自無崖

岸委曲相尋白巖中

桃源畫卷

人間不識武陵春
獨有漁郎認得真
只作曲江風景
看殘山剩水尚精神

松竹卷子

華頂蒼寒松五粒
渭川風度竹千竿
長安陌上看花
客不信山中有歲寒

雪山便面

山中茆屋西時好
雪裏開門心眼明
小童沽得前村

酒須著溪翁相對傾

春日和錢南金韻

溪上東風散草芽
去年曾此共看花
至今留得行春

屐猶帶西園徑裏沙

次荅汪子翼進士嘗為采石山長三衢學

正

采石官醪琥珀黃
柯山玄壁照人光
芸香閣上無塵
事鄭老詩成醉欲狂

同曹雲西翁泛舟過干山

松篁兩竹遠溪灣一舸逍遙任往還
藜杖幅巾林下去野人疑是古商山

拜棹溪邊問老漁雨中歸路晚模糊
九峯三泖人家外髻髻烟江疊嶂圖

賦孫果育文于山小隱

清宵分榻聽疎鐘白日看山倚瘦筇
想見幅巾蕭散處層層樓閣萬株松
壇上藥鑪時進水佛前燈火夜然酥
儂州老子前身在不比尋常醉道圖

即景

一秋兵革競紛然山下人家晝掩門
昨夜南鄰雞犬鬧又傳吏過石壕邨

次張漫亭遣興四首

滿壁鑽書嫌脉望巡簷設網厭蟪蛄
悟來物理如人事準擬綠櫓結小巢
僧舍看雲歌款乃漁鄉對月舞婆娑
山中住久忘塵世不道桑田變海多
南渡承平無復見中原喪亂又重看
白頭父老談吳

廢曾識漢宮承露盤
身到天河惟博望
功成漢室有淮陰
一時凜冽英雄
氣千載寥々去住心

從軍過大湖上梅花正開
和韻三首
式登山

銅坑山下野人家
信步看梅石徑斜
二月江南春寂
寞東風不管路傍花

曾到咸平處士家
几番花壓帽簷斜
如今老眼風塵
際不敢分明看此花

春光欲動客辭家
戰艦縱橫破浪斜
范蠡湖邊重回
首五陵不是舊時花

挑菜美人圖

記得行春出灞橋
蹋青挑菜總嬌嬈
如今老眼看圖
畫翠袖鴛鴦鞦韆久寂寥

和錢思復春日口號

二月江南白霧昏
人家日色候晴暝疎林敗屋春無
主燕子歸來若箇村

已亥二月晦日寒食無錫東屯舟中漫成

薺麥青：殘柳黃。餘無處不村。荒惠山南畔。逢寒
食。回首松楸路。杳茫。

客樓春日
東風吹夢到溪頭。溪樹依。綠水流。斜日小橋扶醉
客。遠煙芳草釣魚舟。

西湖小景
畫橋歷歷樹斑斑。蘇小紅樓紫翠間。烟月不知人事
改。夜濼猶自照湖山。

香雲室
牕前嵐氣博山鑪。鑪上晴光海嶽圖。一夜梅花橫紙
帳。暖風吹夢遠蓬壺。

題曹元博壁間馬文壁小畫

巖谷幽閒雨露深。翠烟長護讀書林。春風長養承平
樹。期爾菟裘歲晏心。

題項鍊師山房倪元鎮小畫

空同山下無名樹。秀葉飄飄翳翠霞。移回向玄都壇
上。種春花開遍玉皇家。

題夏願貞所藏王翁叟真人馬遠溪月堂

卷

憶過餘不浮音玉塵山開玄堂下水潺、只今惟見溪頭月白鶴冲天不可攀

題扇寄卻君顯

浣花溪上堂依竹采石沙頭月滿船鱸蟹熟時秋正好放歌載酒白雲邊

君顯荅賦再韻以寄

情到漫題秋後扇吳來欲放雪中船三江近信丹楓外一夜相思白鴈邊

一峯道人畫九山雪霽

大雪漫空暗九山晉人遺跡杳難攀老仙只在扶桑外借瑤京鶴駕還

題墨竹

江村蠶老柳花香楚、新梢出短牆却憶黃陵廟前過澹雲疎雨映瀟湘

李雲山畫秋林晚步

疊、青山黃葉村夕陽喬木几家存幽人占得前溪住不是桃源定鹿門

梨花十二紅

雨過東蘭澹蕩晴飛來和恨寂無聲宣和殿下清明
後曾向花間見太平

夏士安家董元小寒林

徂徠山頂千年樹曾及承平雨露息幾度長空飛霹
靂鬼神猶解護靈根

辛亥中秋橫溪菴客牕對月口號

時長子在潁幼

客牕孤坐過中秋病骨支離雪滿頭潁水濠梁千里

子在潁皆無見期

外一方明月照三州

桃花五色子

灼灼繁紅錦不如東風依約旧玄都劉郎老大無心

賞付兩春巢五色雛

橫溪晚步

野老無家寄海村草荒秋老失柴門鱸肥蟹壯無勝
侶憶殺家園老瓦盆

經旬不遇石橋陰幾夜雨多秋水深美人迢迢望不
及朗歌采芹傷我心

八
懷野舟客

鴻鴈風高秋浦涼芙蓉花開紅錦張去年短蓑攜手
處萬頃黃雲秔稻香

停簫士女圖

花前月底不勝情款度伊州又不成若見盧郎年少
日等閒吹作鳳皇鳴

息齋李使君自號廣陵醉客其守吳興日

郊行見民家小湖石名蓬花峯玲瓏奇
秀求之弗獲乃畫為圖且書其意以識

不忘客有持以求題者

苕霅溪頭石一卷廣陵移入畫圖傳崑岡烈焰誰能
奪牛承李相看亦惘然

杏花宮女

花攢金屋雨嬌嬈依約東吳大小喬莫問中原旧春
色西陵烟樹正蕭蕭

柳陰宮女

御柳娉婷拂畫闌當時浪說楚腰彎君王莫遣兒家
學千古天生只小蠻

牡丹士女

国女色明粧映綺疏
畫閒隨意踏庭蕪
洛陽春事今黄土
忍看承平士女圖

蓆蔔士女

綠牕睡起晝遲遲
蓆蔔香風透玉肌
却憶芳園春夜飲
花前微醉絕纓時

秋懷故溪

三泖西來花滿園
衣冠人物小桃源
風流王謝今陳迹
燕子飛來只斷魂

江上秋風吹客衣
芙蓉花老客思歸
荒煙乱草斜陽外
夢遠前村舊釣磯

元日試筆

賀年鄰巷雨初乾
把筆書牕墨尚寒
忽見東風到門外
似將春意入毫端

茅簷春色年年在
蓬鬢霜華日日生
新世乱敢論生計
事身閒猶是太平民

上巳日泊舟崑山縣城北十里顧墓田家

風暄日麗野花乱
開邂逅父老為設尊

俎相率縱步春興橫生乃為短述以紀
可見

崑山城北路漫漫，芳草連天雨乍乾。
柳綠花紅寒食近，春光不在故園看。

廢宅荒池鎖碧苔，桃花無主為誰開。
舊時燕子知人事，飛過雕簷竟不來。

蠶豆花期明遠路，香雞桑暗翠陰涼。
相逢野老留雞

黍尚覺芳郊引，吳長

吳女傷春畫掩扉，猶將膏沐媚春暉。
逢人自把錢金

卜不信，征人竟不歸。

曹園看梅

西園玉樹老風烟，離立盈盈不記年。
昨夜東君又披

拂疎枝，冷蘂亦嬋娟。

揚州紅萼旧風流，東閣何郎昔俊遊。
羌管數聲春拍塞，移宮換羽不勝愁。

石橋流水夜涓涓，時度寒香逐澗泉。
月落參橫疎影亂，羅浮春夢遠牕前。

貞溪初夏次南金韻

雨後林深竹筍肥
渡頭風急柳風飛
柴門不掩綠陰
靜人在閒牕試
苧衣

巡簷燕子掠晴絲
隔塢茶烟出院遲
草色入簾人不
到
午風吹暖夢回時

棟花風起漾微波
野渡舟橫客自過
沙上兒童臨水
立戲將萍葉飼黃鵝

小菴巷縵車霜繭熟
前村社鼓野人來
鵲鳩聲在樹
陰裏竹下柴扉晝不開

蟻術詩選卷之八

元雲間邵復孺著

明新都汪精稷校

會合聯句

至正改元余寓虎林三閱月南奎授業茶

院孟冬余歸而南奎亦還溪上夜坐縱

談經念不可無述以紀此會四十韻

久別情懷在復重逢意氣添窮途仍遠役南吾道豈

終潛遲暮身何補復艱危首尚黔客情鄉態別南人

事物華兼豹隱曾誰見復雞羣適自淹故交深閱閱

南高誼薄閭閻歲晚詩無恙復更遙夢屢瞻盍簪長

此地南剪燭近前簷近况俱相問復幽期已素占真

成談豐南更復坐禪弱冠交游早復通家學問

漸訂頑唯汝益南知己不吾嫌春浦隨風鷁復秋堂

滴露蟾楚蘭愁共擷南湘管醉重拈村市魚蝦美復

盤餐筍蕨甜望雲歌白紵南蹋月認青帘靜賞花當

戶復微吟草入簾平煙孤野濶南落日九山尖竹影

棋枰潤復苔痕屐齒黏風流元不算南文采頓能欣

芸業猶生計復瓜田僅養恬索居期自奮南微祿覲

同霑俗薄輕遺佚復時清媿孝廉每驚鳥巢暮燕南殊

比上竿鮎屈價賈時多忌復高韓世不厭固窮君子

拙南競進小人檢璞玉甘深韞復鉛刀苦較銛淳風

難返古南澆態日趨炎汨知何益復斬獨好謙

富應同土苴南貧不厭糞鹽暴白心如鐵復雌黃口

莫笱妙年咸仕版南長晝只書帙坐欲彈冠起復耕

期束帛覘壯懷從曠達南短髮任髻鬢未屬麒麟畫

復恒韜虎豹鈴淹留頻撫髀南慷慨亦掀髯但得襟

期在復何憂歲月穢匆：投井轄南忽：報郵籤江
海無忘險復冰霜已成嚴詩篇相砥礪南友爰辱鉞
砭復

編校遂生亭聯句有序

惟昔有元後至元二年歲丙子十有一
月冰霜沍寒信宿不解晚雲漏日朔吹
凜，殆不能任雲間貞溪曹貞素翁設
酒肴會親友於其家之遂生亭燎以楮
拙沃以醅醕脯羞循序以進少焉衆始
醉面盡背歡情甫洽翁乃呼童出楮札
率客聯詩為樂而命余呵陳執筆以書
於是意况咸適情文藹如迨夜分酒闌
凡得句百有甘而章乃成此吾鄉疇昔
清事之一也翁於予為外族從祖有老
僧曰自聞熏師之從弟也安雅翁洎弟
世長皆曹氏於予為外族諸父錢南金
陸伯翔伯弘皆外相也主賓凡八人後
此卅餘年諸老相繼淪沒存者惟伯翔

予及亦皆年踰耳順乘白昏耄中經干
戈屢變世道衰微二翁故居悉蕩為丘
隴求其遺跡亦復蒼莽難流涕痛哭莫
及矣洪武己酉冬偶與元博弟話舊及
此而博乃能襲藏舊藁展卷瞭然如昨
日事不啻對諸老於几席間也然曩者
所作一時得句輒寫意度先後罔計倫
敘此於詩法為不合博乃留藁求余銓
整庚戌歲冬杪齋居聽雨乃為校正而

編次之中復有所取舍於是文從字順
而意趣斯足遂手書二通其一併元藁
歸之元博其一留吾齋以供暮年觀感

為承年平嘉話且俾予兩家子弟知鄉
之先輩風流文采若此吁物換人非斯
文掃地後之人非特不能繼前脩脩風
度亦將不能知而言之矣可勝歎哉庚
戌距丙子為卅五寒暑云是年臆未盡

五日小溪吟屋書東泉同

深冬鼓大籟極寒抑新陽貞素凍痕固封圻曠色浮

穹蒼南金斜暉射屋壁嚴飈襲衣裳世長氣候迥新

夕景物惟冰霜伯翔幽居絕蕭散喬木相低昂伯淵

長林展圖畫踈松奏笙簧伯弘經時歲云暮撫事心

亦傷復孺朋來溫重席眾喜累十觴安雅窓梅弄踈

影盤蠟捺寒光翔竹鑪楮火栢子氤氳香聞豆籩

既無算肴核復屢將弘野哉雜鷄雉溪腴間鱖鱠長

翠鑿玉蛆凍屏屏筋紅肉僵雅偉哉青雲彥會此白

石房南盍簪意已洽得酒氣益強弘世道久澆薄古

意殊荒涼復真情悅親戚嘉會非尋常素高才貴珮

璉妙語鏘琳琅南太原與五姓燕山尊十郎翔阿翁

正矍鑠我輩俱頡頏長宗族互有託禮貌詎可量雅

舟車遠無間雞犬遙相望聞九世同安居百年有餘

慶復兒孫等鱗次兄弟列鴈行素賴有北道阮况得

共被姜雅鳩杖祝勿咽兕觥介無疆翔晨昏足甘旨

歲時謹烝嘗雅臭味亡薰蕕優劣何糝糠聞躬勤樂

耕釣志儉忘膏粱弘招隱及巖谷濯纓下滄浪南清

風起竹邈朝陽耀梧岡長歌長擊瓦缶具酣據胡林

素 秋花照籬落春草生池塘 復望重詩禮庭義薄名

利場南幸術本卸魯治化沾虞唐 素百兩重聘国千

金戒垂堂 翔雄观局四海壯志馳八荒 弘恒鄙貨殖

貢豈羨干祿張 雅詞源尚屈宋書法追鍾王 長奇材

任帶 雅量須汪 聞心胸蘊星斗頭角斬珪璋 弘

黃麻珍世賞青檀寶家藏 翔松栢抱貞秀蘭蕙含芬

芳長擬儕谷口鄭弗媿商出 山黃復曳裾或混俗衣錦

寧忘鄉 南王掾不癡屬生乃佯狂 復婉婁談論濶輾

轉理義長 素會合益膠漆契摺母參商 素笑語寒稍

弛歡樂夜未央 南真性本寥廓幻身且徜徉 聞聯詩

出雅頌看劔生光芒 長焚膏照無寐淪茗搜枯腸 聞

人情咲失馬世利嗟亡羊 翔惟茲一餉樂昧彼終日

忙 雅所欲論文字初不事酒漿 素耆英固難繼真率

或可方 復坐醉春滿席起舞月在梁 南宿氛息廣漠

晴暎炫扶桑 弘分袂重慷慨驅車走康莊 雅猗歎紀

宴集斐然成文章 復

舟中聯句

洪武庚戌臘月八日余每巖陵即復孺

先輩自雲間之澄江蚤發向吳門挂席
波上甚適也因相率聯詩以攄客懷日
夕過蘇臺窮其韻而成章凡得句百有
廿興之所至罔計工拙江空歲晚孰知
吾二人清苦若是哉諒天地必有同其
情者隴右邾經仲誼識

歲晏冰雪稀天空水雲濶扁舟戒行李
邾遠道舍祖
輟度柳凌鷗波邾橫江蕩魚沫晴曠弄
熹微邾明霞
入濛濛村迷辨烟樹朱林響聽風耕連隄
半隳隤

亂石互排撈感茲物色睽朱疑若鬼神奪
蕭疎見古

寺邾狼籍遺壞闥替戾塔語鈴朱如跌堂
散盞誰將

拂盤陀邾我欲叩菩薩了知空即幻朱奚
謂悟始達

觸景人事非邾經途客心怛憶兵構患朱
念此民苟

活流離且無家邾癩瘕仍有筭虎寧泰山
畏朱雞豈

武城割待旦苦漫漫邾書空愁吐旋瞻太
平治朱

遂及阨豁造化終含情邾生聚母感額
夏鼎燭神姦

朱秦鏡走妖魃吾徒恒汨沒邾斯世暫
超脫侯門斂

長裾朱毗里混短褐棲遲甘海陬邾飛
騰阻天未企

望麻姑鵬朱 悵閔李斯獨禍福信倚伏召 貧賤逃天

闕虛名自成累朱 逸氣孰可遏頻年頗好道召 長日

頓忘渴琴心舞韶仙朱 華陳馳叱撥幽蘭紉佩纓召

芳草結屨鞵瓦鬘香屑沉朱 薨斗松蟠枯衡茅讓山

藻召 團蒲脉罽氎芸編飽叢蟲朱 槎梁漏羣獺野鳥

資笑歌召 林蜩供巧掇晞髮傲三沐朱 充腹儲七糲

荷風揮白團召 桂月整緇撮掃華坐裴回朱 問竹行

跋蕤衣防棘籬鉤召 屐慮蘚磴遶樵漁從往還朱 鄰

里謝喧聒童沽醜持券召 客醉狂褫襟卒歲每怡愉

朱 安時靡車刺徒步猶履躑召 清談已囊括瘳頷固

可探朱 猛鬚慎毋將逍遙悼拘檢召 老醜倦塗沫涸

鮒肯貪餌朱 罷驥恥受秣澹然忘戚忻召 展也釋噴

唱谿翁故相能朱 隴士今有估及蔑繼邾盟召 翦棠

思召 菱北征唐爾愧朱 南音楚誰捷滂歌車遙召

何歎流活、周道尚逶遲朱 吳臺空截岸五湖怕陶

朱 召八陣失諸葛載陽麋縱遊朱 無詠狼臆跋旧夢

已銷沉召 清氛尚輟輶顏跣悲蒙莊朱 羿羿嗟魯迄

君子懷游從召 城闕記挑達斯辰當臘蜡朱 于夕叫

寒鵠巖飈轉帆席 召斜暉在篷筮既空鳥鴈聚 朱徒
詠鱸鮓鱖心驚玄冥返 召目佇青陽潑願同松柏貞
朱不改薑桂辣搔首一長喟 召乾坤莽回斡 朱

蟻術詩選卷之八

